

52. F. 21.


MENTEM ALIT ET EXCOLIT




K.K. HOFBIBLIOTHEK
ÖSTERR. NATIONALBIBLIOTHEK

53.F.21

Nicht ausheben!
Umsignieren auf
MF 3593





53. 7. 27

Ain hüpfche Chro:

nick von Heidnischen vñ Christen
Künigen/der Teütschen vnd Welschen Francken/darū
nit allein die Troyanischen/Pipinischen vñ Hugonische
sunder auch sunst vil treffentliche geschlecht grosser Künig/
fürste vñ herren/die daruß entsprossen sind/anzeygt werde.





In diß gegenwürtig Chronick
an den Durchleüchtigsten Erzhertzog Ver-
dinanden zu Osterreich etc. Doctor
Mennels Vorred.



Nach dem o Edels blüt von Osters-
reich E. f. durchleüchtigkeit hoch-
loblich geschlecht vonn Habsburg
vß altem küniglichem stammen
der Teütschen Francken entspross-
en ist/wie dan sollichs in der fürst-
lichen Chronick (So weyland Key-
ser Maximilian E. f. G. Herz Anherz seliger Gedächniß
zu irer Maiestat vor vnd nachkömen sißschafft ewigē ge-
dächniß hat lassen machen) nach der leng beschriben ist.
Vnd dan von dem gedachten stämen funft noch gar vil
schöner gschlecht/ die gemeltem blüt von Habsburg mit
freündtschafft verwandt seind/ erwachsen. So hat mich
für gut angesehen/nach dem auß vil loblichen vrsachen
groß fürsten vnd herrn ye zu zeyten Historias vnnnd ge-
schichten/besonder irs geblüts altfordern zelesen kurtzwey-
lig vnd nutzlich ist/vmb des willen/ das dardurch ir edel
gmüt/so gar oft mit grossen gschefften beladen seind/ sich
darin elustigen/vnd die schwermütigkeit dardurch tref-
fenlich ergerze mögen. Wie dan der groß künig Asuerus/
Deßgleich der heilig Keyser Carl der groß/vnd der Theü-
r Fürst Keyser Maximilian vnd ander vil gethon haben.
E. f. G. als mein natiürlichen Landfürsten vnd Herren/
zu vndertheniger empfahüg irer f. S. gnedigste zükunfft
in ir Hochteütsche Land/mit diser künigliche Chronick
zu vereren/vndertheniglich bittende sollichs zu gnedigem


gefaßten von mir annehmen. Datum in L. F. G. statt
Freiburg im Breysgaw/ freitag nach der heiligen drey
König tag/ Als man von der geburt Christi zelet/ Taus
sent/ fünffhundert vnd Dierundzweintzig jar.

Lum Gratia et Privilegio
Imperiali ad Sexennium.

Anfang.

In dem namē gottes Amen. Von
den Heidnischen vnd Christen Königen/ der Teu
schen vnd Welschen Francken zeschreyben/ be
ggnē mir anfangtlich drey geschlechter der
selben. Als mit namen Trojanisch
Pipinisch vñ Hugonisch. Dar
umb so teyl ich diß gegenwē
tig Chronick in drey teyl
in form vñnd gstat
wie hernach
volgt.

Der erst teil.





Er erst teyl diser Ebro
nick ist vō den Troyanischen fran-
cken/ das seind die Francken/ so iren
rechten vrsprung vnd herkōmen ha-
ben vō der küniglichen statt Troy.
Dauon in Annalibus vnnnd gestis
Francorum/ auch anndern Autoren

vil geschriben ist. Siweyl aber gmeynlich all Historio-
graphi die von disen dingen schreyben darū concordirē.
Das Pharamundus desselbē gschlechts/ der erst erwelt
kūnig in Teütsch Francken gewesen sey. So hab ich mei-
nen anfang diß büchs bey im genōmen.

Pharamundus



Pharamundus ein sun Mar-
comiri/ des grossen hertzogen zu
Francken/ gar ein gehertzer man-
licher Heid/ der in vil schweren
kriegsleuffenn vil grosser thaten
gethon hat. Ward zu den zeytē
do man von der geburt Christi

zelet. 420. jar vngewatlich/ bey regierung Archadij vnnnd
Honorij der Rōmischen Keyser/ erster kūnig in Francken
erwelt. In den jaren seins alters. lvi. vnd ist von den zey-
ten seiner regierung mancherley meynūg/ dan etlich schrey-
ben syben/ etlich zehen/ vñ etlich noch mer jar. yedoch er hat
vast wol regiert/ vnnnd seinen vnderthonen vil schöner ge-
sazten geben/ vnd vil treffenlicher krieg gefiert. Wie dan

Die Römer/ Gallier/ Hispanier/ Wandal vñ ander Na-
 tionen mit irem schweren verlust vnd schaden empfunden
 haben. Vnd bey seinen zeyten ward der künig von Buro-
 gundi mit allem seinem volck Christen. Anno dñi. 431.
 Er ist aber gestorben als ein Heid/ vnd begrabñ vff dem
 berg genant Franckenberg. Vñnd nach im verlassen ein
 sun/ genant Clodius/ davon hernach volgt.

Clodius



¶ Clodius ein sun Pharamuns
 di/ gehaurt wie ein ber. Ist der an-
 der künig zu Francken gewesen/
 vnd in dem dritten jar der kaiser
 Theodosij vñnd Valentiniani.
 Anno dñi. 431. Gleich nach seins
 hertz vatters absterben daran kö-

men/ vñ hat dapfferlich regiert achtzeihen jar/ vñ dartzwü-
 schen vil lande vñnd leüt der Gallier seinem künigreich
 Francken vnderwoffen. Hat auch die graffschafften vñ
 Soringen/ von Dornet/ Lyon/ Burgundi/ Aquitania
 vnd ander mercklich herrschafften im Niderland vñ sunst
 an sich bracht. Vnd als er zelezt in Lotharingē ein schloß
 yngenömen/ vñnd ein kurtze zeyt daselbs wonet/ ist er ge-
 storben vmb die zeyt/ do man von der geburt Christi zer-
 let/ Vierhundert/ Nelin vnd vierzig jar vngenauulich/ vnd
 hat ein sun verlassen mit namen Meroueus/ davon hertz
 nach volgt.

Meroueus



Meroueus ein sun Clodij/ ist
der drit künig zū Francken ge-
wesen/ regiert zehen jar/ vñ was
sein vatter hievor in Gallia vñ
andern enden mit dem schwert er-
obert/ hat er nit allein gehand-
elt/ sonder auch treffentlich gemert/ vñ key nach dz ganz
Gallier land vñd sich bracht. Er hat auch die treffentliche
statte Trier/ so noch zū der selbē zeyt den Römern vñders
worffen was/ vñder sich bracht/ vñd Sabinum den hero-
zogen von der Mosel erschlagen/ vñnd also die gantzen
Region der Mosel gwaltinglich an sich bracht. Vñd vff
ein fürsorg/ damit dasselbig volck nach seinē abschied nit
von im fiel/ zwölff der besten der selbigen art mit weyb vñ
kind in Francken/ vñnd an der selben statt zwölff tausent
Francken gesiet/ die haben mit der zeyt sich miteinander
verheirat/ vil kinder gemacht/ vñd gleych siten vñd zun-
gen an sich genömen. Vñd zū lest als diser Merou-
eus (von dem ich vñnd/ das er der frommest
herr zū der selben zeyt gewesen sey) das kün-
igreich von Francken vast treffen-
lich gemert hat. Ist er im zehen
den jar seins Reichs ge-
storben/ vñd verlassen
ein sun genant Hil-
dericus/ dauo hero
nach volgt.



Hildericus ein Sun Meronei
 gar ein vnkeüſcher Heid iſt der
 vierd künig in Francken geweſen
 vnd nach de er Sechs jar regiert
 vnd der Edlen Herrn vnd junck
 Herrn ſchön weyb vnd kinder mit
 vnkeüſcheit verletzet iſt er vom künigrych verſtoſſen wor
 den vnd in das ellend kómen/ daſelbs er ley ten acht ja
 ren verdruct. Darzwiſchen ein Römer genant Egid
 us (den etlich nennen Gillion) ſich des künigrychs vnder
 zogen. Aber nach dem der ſelbig ein wütrich geweſen iſt/
 vnd die vnderthonen alſo grausamlich hielt/ erdódet vñ
 vmbbracht/ haben die vnderthonen gedacht/ das die vn
 keüſcheit Hilderici vil leydenlicher/ dan die vnmenshlich
 tyranny Egidij zñ dulden ſey/ vñ alſo ſolchen Egidium
 gantz vom Reich getriſen/ vnd Hildericum widerrüſt/
 der hat noch regiert Neün jar/ machent einer ſum fünff
 zehen jar. Wol ſchreybenn etlich er hab vil lenger regiert.
 yedoch er hat ſein böſen ſitten der jugent abgeſtelt vnd ge
 beſſert/ vnd darnach vil güter ſachen gethon/ wie ſolliche
 das ganz Italia/ ſo er mit dem ſchwert vnderſich bracht/
 empfunden hat. Iſt auch on mengtliche irrung vñnd yn
 trag gwaltiger künig geweſenn in Italia vierzehen jar.
 Vnd nach vil groſſen thaten er hin vnd wider volbracht
 iſt er wie ſein vatter als ein Heid geſtorben/ vnd nach im
 ein ſun verlaſſen/ mit namen Cleodoucus.

Cleodoneus



Cleodoneus/ ein sun Hilderici/
 gar ein fürstlicher Fürst/ von adel-
 lichen sitten/ güterer lidmaß/ daps-
 fer vnd kien/ dartzu seer anmüt-
 tig/ vnd hat von jugent auff vil
 treffenlicher krieg gefiert/ vnd dar-
 in groß glück gehebt. Wie dan sollichs Burgundia/ Aqui-
 tania/ Thuringia/ Gotti/ Teüsch vñ Welsch/ desgleyche-
 sunst noch vil ander nationes bezeugen. Vnd ist in den
 jarē seins alters. xxj. der fünfft künig in Frantcreyß wor-
 den. Vnd hat regiert. xxx. jar. Benantlich. xv. jar als ein
 Heid/ vnd. xv. jar als ein Christen. Vnd mieler zert (als
 Gregorius Thuronen. vñd ander schreyben) vil grosser
 sachen gethon. Sein Legemahel was die schön künigs
 tochter vñ Burgundi/ genant Trothildis/ gar ein andech-
 tigs Christenlichs frauenbild. Sie hat in mit hilff sancti
 Remigij des Bischoffs zu Remis zu Christenlichem ge-
 laubē bracht. Darumb so wirt er der lefft Heidnisch vñ
 erst Christen künig in Frantcreyß genent. Vnd wurden
 mit im dreyssig tausent menschen Christen/ vnd als bald
 daruff gantz Frackcreyß. Er ward im taußf genant Lud-
 wicus/ des namens der erst. Vnd hat mit der zert bey sei-
 ner hauffrawē vñ sunst. iij. kinder gehebt/ darunder fünff
 sun vnd vier töchtern gewesen. Das erst genant Theo-
 doricus/ den hat er gehebt bey einer ee er in celichē stand kō-
 men ist/ der selb ward künig in Austrasia/ vñ het sein ge-
 wonlichen sitz zu Metz in Lotharingen. Das ander In-

Somer/ was sein. Das erst eckindt ist in der jugent ge-
 storben. Das ander eckindt Clodomirus/ oder (als Gie-
 gorius Thuronen. schreybt) Clodomirus/ ward künig
 zu Orleans od Burgundi. Das drit Hildeburtus/ ward
 künig in Aquitania/ vñ wone zu paryß. Das vierd Lo-
 tharius/ danon sich die kyni der Francken cōtinuiert/ wie
 hernach volget. So was die erst tochter Undefleda/ herr
 Dietrichs vñ Bern (damals künig in Italia) verma-
 helt. Die ander Theodochildis/ ist junckfraw gestorben.
 Die dritt irer mütter nach genent Trothildis/ Marico
 dem künig Wisegotto:ū vermahelt. Die kerst Bertha
 in d jugent gestorben. So ist (als Gregorius Thuronen.
 schreybt) Cleodoneus id est Ludwicus/ seliglich vñ diser
 zert gestorben. Anno dñi. 515. Vnd ist an sein statt komen
 Clotharius sein sun.

Clotharius



Clotharius des namens d erst/
 des gemelte Cleodonei eldester sun
 Ist der Sechst künig zu Franck-
 reich gewesen/ regiert funffzig iar.
 Vnd nach abgang seiner brüder/
 seind mit der zert noch drei künig
 reich an in gefallenn. Als mit na-
 men von Theodorico Austrasia/ von Clodomiro Bur-
 gundia/ vñ von Hildebarto Aquitania. Wölche vier
 künigreich er alle in ein Monarchey gezogen. Vnd hat
 vil treffeulicher krieg gefier/ vñ Achalaricum der Gotten
 künig mit dem schwert vñ Gallia getriben. Er hat auch

Buccellinum vnd Armingum die hertzogen von Franck
en/ mit ein grossen anhang irs volcks erschlagen/ vnd in
die Sachssen gehorsam gemacht: c. Vnd bey seinen zeytē
lebet sanctus Maurus/ dauō dz gotshaus Mauritziū
ster in Elsas seinen namē gewonnen hat. Sifer Clotha
rius hat (als Gregorius Thuronē. schreybt) vß vil wey
bern syden sūn gehebt. Als vß frau Ingunden/ Gontha
rium vnd Gontramum/ desgleychen Childericum/ Cha
rikertum/ vnd ein tochter genant Clothesinda. Aber vß
sant Raxgunden/ Chilpericum. Vnd von Consena ali
as Consona/ Cranium. So schreyben etlich/ das er noch
ein tochter mit namen Blitchildis/ die Anskerto dem
Warggrauen zū Antdors/ dauon der groß keiser Karlin
abkommen c. vermehelt gehebt hab. Siweyl aber dise
tochter in Gregorio Thuronē. mit gemeldet ist/ vnd aber
Chronica francie schreybt/ das sie ein tochter Clotharij
des andern gewesen sey/ so lassen wir es auch darbey beley
den. Noch vinden wir einen sun von im geboren. Mit na
mē Sigibertus/ ward künig in Austrasia/ dauō mit dz 3ye
die herren von Habsburg entsprossen seind. Vnd ist ge
melter Clotharius gestorben. Anno domini fünffhundert
Sechßundsechzig/ vnd zū Sweslon in sant Medarden
kirchen (die er gestiftet hat) begraben. Vnd haben die vier
sūn die künigreich geteylt. Also/ das Charikerto Aquita
nia/ vnd der sitz zū Paryß. Gontramo Burgundia/ vnd
der sitz zū Dilien. Sigiberto Austrasia/ vnd der sitz zū
Nerz. Vnd Chilperico das reich seins vatters/ mit na
men Franckreich/ vnd der sitz zū Sweslon. Sauon her
nach volget.

Chilpericus



Chilpericus ein sun Clotharij
der sybend künig in frantcreych
regiert. xxiii. jar. Vonn dem wir
vinden/ das er nit ein güetter Chri
sten gewesen ist/ dann er von der
heiligē dreyfaltigkeit/ desgleychen
von der menscheit Christi/ vnd sunst gar selzam opinio
nes die er vßgeschriben hat die künd zeleren/ gehalten. Vnd
was gar ein vnuertragenlicher freidiger wilder fürst/ d vil
krieg gefiert hat/ oft nider/ oft obgelegen. Vmnd in sonder
wider Sigibertum den güten Christen/ der doch sein brü
der was/ schwer krieg gefiert. Vnd wan der selbig Sigis
bertus zu beschürmung Chrißtenlichs glaubens aufzogent
was/ so zoch er im in sein land/ vñ verhindert in in seinem
fürnemen/ vñ theten einander groß schaden. Er hat auch
vil weyßer gehebt. Die ein Glasuira alias Galsuinda
künigs tochter von Hispania/ der vnloblich Brunhilden
seins brüders haußfrawen Schwester/ die was gar ein heili
ges weyb/ kam doch ellendiglich vmb ir leben/ vñ leyche
vß vrsach irs gemahels vnd desselben bülen/ mit namen
Fredegundis die nachmals sein gemahel ward/ auch vast
ein vnloblichs weyb. So hieß noch eine Andonora/ dau
er drey sun gewan/ als Merouen künig zu profantz/ den
riche Fredegundis zu/ dz er ein münch müß werden. Cleo
donum/ den sie erröden ließ. Vnd Theodobertum kün
ig in Burgundi. Noch het er ein weyb mit namē Theo
dora/ künigin von Hispania/ dauon ein tochter Rigun

tha. Von deren in Gregorio Thuronen. Sie zelang vnd vil zeschreybē ist. Aber Fredegundis was also gescheyd/ dz sie die frömen frawen all betrog/ damit sie künigin ward. Sie betrog auch iren schwager/ den Christenlichen künig Sigibertum/ den sie listigklich zetod ließ schlagen. Dessen gleychen iren gemahel Chilpericum selbst/ den sie von ihres hülen wegen vmb sein leben bracht. Daron noch lang vñ vil zeschreyben wer/ vmb kürze willen vnderlassen/ yet doch er ward in sant Germans kirch (die er gestift hat) begrabē. Sie haben vier sün beyeinander gehebt. Der ein genant Theodoaldus künig in Austrasia. Der ander Sampson. Der dritt Clodobertus/ Reid in d jugent gestorben. Der vierd Clotharius/ des namens der groß. Daron hernach volgt.

Clotharius



¶ Clotharius des namens d ander/ des vorgemelte Chilperici vñ Fredegunden sün. Als er noch ein kind von vier monaten gewesen ist er nach seins vatters ableybüg der achtend künig von Franckreich worden. Anno dñi. 587. Vñ regiert. xliiij. jar. Sein oberster rat vnd schwert trager ist gewesen Pipinus von landen erster hertzog in Brabant. Er ist allein mechtiger künig gewesen über das ganz Franckreich/ wie Clotharius sein anherr was. Vnder im haben sich vil selzamer sachen verlossen/ vñ in sonder die schweren kriegsfließ/ zwüschen Theodobertzen künig in
 B ij

Austrasia/vnd Theodorico künig in Burgundi gebrün-
 dern/wardurch er vier künigreich/als Franciam/ Aquita-
 niam/ Burgundiam/ vnd Austrasiam/ überkam. Vnd
 hat mit der zert zwey eeweyßer gehebt. Das erst genant
 Bergeudis/ dauon zwey kind. Namlich ein sun Da-
 gobertus/ vnd ein tochter genant Blichtildis/ dauo das
 hochloblich geschlecht Karoli magni/ vnd der Hertzogen
 von Elsas/ vñ acht vñerwelten heiligē/ entsprossen seind.
 Vnd nach der ersten haupfrawen absterben/ nam er ein
 weyb mit namen Sigildis/ dauo drey sin. Als Aubert-
 tus/ Meroneus vñ Haribertus. dauo doch nichts merck-
 liche geschribē ist/ anders dāß das Aubertus in der jugēt
 gestorben. Meroneus gefangen. Vnd Haribertus kün-
 nig in Aquitania ward. Aber was geschlechts die vorbe-
 rierte Clottharij weyßer gewesen seyen/ vñd ich nit. Jedoch
 er ist nach vil mercklichen kriegē vnd handlungen/ in dē
 vierundvierzigsten jar seins Regimentis gestorben. An-
 no dñi Sechshundert vnd Einunddreyßig/ vnd an sein
 stat gelassen Dagobertus.

Dagobertus



Dagobertus Des gemelte Clo-
 tharij eltester sun/ ward zu den zey-
 ten Præliij des kaisers/ der neind
 künig von Frankreich. Hat die
 vier obbestympten künigreich/ als
 regierender fürst vñd hertz regiert/
 als etlich schreiben. viij. oder. viij.
 vnd etlich. xvij. jar. Sein oberster rat vnd schwertrager

oder Hoffmeister ist gewesen obbestympter Pipinus. Aber
wiewol Sagobertus mit de laster d vnlautekeit hoch
besleckt gewesen ist/ hat er sich doch in andern hendeln/ als
mit handthabung frid vnuud rechtens. Dessen gleichen mit
beschirmung wirwen vnuud waisen/ auch almüßen geben/
gotsheißer stüffen. Namlichen als vil als büchstaben in
A B C seind. Darunder Album castrum/ dz yetz Werps
senburg heist das erst. Vnuud besserung seins lebens ver
massen gehalten/ das er in das büch der seligen geschriben
ist. Wie man dan sollich in dem fünfften büch fürstlich
er Chronick befindet. Aber von seinen ewerbern seind gar
mancherley meynungen/ dann etlich als die Niderlen
disch Chronick anzerget/ ist das er gehebt habe drey Ler
werker. Das erst genant Mantilla. Das ander Car
mantruyt/ vnuud die seind Reid vnuustuchbar gewesen.
Vnuud das drit Kaneton. Von wölcher die zwen sün
Cleodoueus vnuud Sigibertus gebo:en sein sollenn. So
sagt Chronica Colonien. Er hab allein zwo haupftrau
wen gehebt. Die ein Mantildis/ vonn wölcher gebo:rn
sey Cleodoueus. Vnuud die ander genant Regentrudis/
von wölcher gebo:ren sey Sigibertus. Aber Gesta Fran
corum/ vnd Tritermius conco:dieren in dem/ das er zwey
Lewerker gehebt hab/ doch also/ das die ein hab geheis
sen mit namen Gertrudis/ vonn wölcher er sich vmb des
willen das sie vnberhafft was/ geschieden hat. Vnd das
ander mit namen Mantildis/ die er mit sant Arnulphen
vnuud hertzog Pipinen rhat von Lotharick/ genommen.
Von wölcher er ein sun hab geboren genant Cleodouer
us. Aber etlich schreyben/ sie sey auch vnberhafft gewesen
darumb er sich gleicherwerß von ir/ wie vonn der ersten
hab geschieden/ vnuud hab darnach an sich ein diener

gehenckt/ geheissenn Regentrudis/ davon Sigibertzen.
 So schreyben die andern noch anders/ on not alles hie zu
 erzeln. yedoch vō disem Sagobertzen vünd ich vier kind
 geboren. Namlich zwen sūn vñnd zwo tōchtern. Der ein
 sūn Cleodoneus der ander/ ward wie hernach volgt kün-
 nig in Franckreych/ vñnd der ander Sigibertus künig in
 Austrasia. Davon in der fürstlichen Chronick im büch
 der seligen. So hat die ein tochter geheissenn Clotburga/
 vñnd die ander Irmina. Von den beide auch im büch der
 seligen. Vñd ist gemelter Sagobertus chriſtenlich gestor-
 ben vff den ersten des monats februarij. Anno dñi. 645.
 Vñ mit künigliche wurden (als sich zympt) eerlich bestat-
 tet in sant Dionysien kirchen/ so er gestufft hat zu Paryß.

Cleodoneus



Cleodoneus des namens der
 ander/ des gemelten Sagoberti el-
 terer sūn/ der. x. künig in Franck-
 reych. Regiert als etlich schreyben
 xvij/ vñnd etlich. xvij. jar. Er vñnd
 sein brüd Sigibertus künig in Au-
 strasia herrē zwen die genempt wa-
 ren die grossen vom hauß Franckreych/ wie dan Clotha-
 rius ir auherz/ desgleiche Sagobertus ir vatter auch ge-
 hebt haben. Vñd in sonder het Cleodoneus in seinē reych/
 einen genant Erchanoaldus/ vñ altem künigliche stam-
 men. Davon vil auferwelten heiligen/ auch sant Ottilia
 vñnd die hertzogen von Elſas herkommen seind. So hat
 Sigibertus zu seinem reych einen genant Pipinus von

Landen erster hertzog in Brabant/ sant Gertruden vatter
 gar ein seliger weyser fürst/ der key dreien künigē/ als Clo-
 thario/ Sagoberto/ vnd disem Sigiberto das regiment
 gefiert hat. Vnd zu disen zeyten seind vil vserwelten heili-
 gen in Trierer bistumb gewesen. Darunder einer mit na-
 men sanctus Paulus/ der von ersten ein einidel/ darnach
 ein münch/ vñ zu letst ein bischoff zu Verdun. Item Wan-
 dalinus 1 münch vñ einidel/ gar eins heilige lebens. Item
 Wadalinus 2 ein priester sancti Columbani discipul/ ein
 grosser predicant/ der mit seiner gütten ler vñ exempel vil
 zu gott ketter hat. Item Ingobertus/ Carilephus/ Ban-
 tus vnd Beatus seind brüder/ alle geistlich vñ priester.
 Item Wolff ein purer key sampt vil andern desselben bis-
 stumbs heilige lebens. Vñ ist des gemelten Cleodouci
 hauffstraw gewesen sant Bathilda hertzogin von Sach-
 sen/ danon in der fürstlichen Chronick. Vnd haben drey
 sin keyeinander gehebt. Der ein genant Clotharius der
 dritt. Der ander Theodoricus/ vnd der dritt Hildericus
 Vnd ist gedachter Cleodouens vñ freyenlichem anriechē
 des Cōpels sancti Dionysij von seine sinnen kōmen/ vñ
 cleglich also gestorben. Anno dñi. 662.

Clotharius



¶ Clotharius des namens d dritt
 des gemelten Cleodouci eltester
 sun der 11lffte künig in Franck-
 rich/ regiert vier jar. Sein grosser
 vom hauff ist anfenglich gewes-
 en der obgemelt Erchanoaldus/

vnd nach desselben absterben/ **L**ebwünus alias **L**ebrou-
nus/ ein vnmlter lasterlicher man/ der gewesen ist ein zers-
störer der kirchen/ durchstecher vñ tödter der bischoffen/ ein
hoffertiger vntreüwer mensch/ der mit rat vnd that zu la-
ster genergt was. Vnd von der selben zert biß an Pipinē
des grossen kaiser Karlins vatter/ laufft sich key nach vff
Neynzig jar/ seind die künig vom frantz. eych also vn-
weyß vnd vngeschickt gewesen/ das sie nichts küniglichs
od fürstlichs gehädelt haben. Sauer aller gwalt an die
vom Haus gewachsen ist. Vnd ich glaub das desselben
geschlechts noch etlich vorhanden seind/ noch heüt key tag
genent die vom Haus. Vund seind die künig da heim-
miessig gewesen/ garnichts gerben noch geordnet/ anders
dann essen vnd trincken/ seind villericht des jars ein mal/
als vff den ersten tag Maij herfür kômen/ vund sich das
volck lassen sehen vnd grüssen/ darnach wider heim fert.
Bey seinen zert seind gar vil loblicher gotsheüser gestiftet
wordē. Vñ ist diser Clotharius im vierdē jar seins reychs
gestorben. Anno dñi. 666. sind weder weyb noch kûnd/ dan
das künigreych an seinen brüder Theodoricū gefallen ist.

Theodoricus



Theodoricus des vorgemeltē
Clotharij brüder/ 3wölfft künig
von frantz. eych/ hat villericht ein
jar regiert/ dan er was dem reych
also vntoglich vnd vnnütz/ vund
het dartzu für sein grossē vō haup-
den vorgemelten **L**ebrounū so ein

erlosen vnbillichen man/ das Theodoricus mit einhelliger stym vom künigreich verstoffen/ vnd beschoren in ein closter (nämlich in sant Dionysij gotshauß zu Paris) gerungen ward. Seßgleychen Ebroinus mit gleychem vorteil auch beschoren/ vñ in das closter Luxouen gethon. Vnd dem selben nach ward mit einhelliger stym/ Childericus sein brüder (der damals in Austrasia regiert) zu künig von Franckreich erwelt. Saron hernach volgt.

Childericus




Childericus der gemelten Clotharij vnd Theodoric brüder/ der xij. künig vñ Franckreich/ regiert zwölff jar/ hat aber seiner bösen vnkünigliche sittē halß/ die Franzen übel gerauwen/ das sie in erwelten/ dann er hat einen vom höchsten adel genant Bodilo/ vñ inerschuldet an einen ast lassen hencken/ vnd vñ das aller grausamest lassen geißlen zc. Saron der adel zelerst zesamen geschworen haben darunder einer genant Ingeberrus/ vñ der ander Amantbertus/ die haben als er in einem wald was jagen auff in gewartet/ vnd in vñ sein werb Vlaida/ die Berschwinder sant Ottilien müter Schwester was/ damals kunds schwanger mit einander getödt/ dardurch das künigreich on leybes erben wider ledig ist worden.

Theodoricus



Theodoricus der Mönich/ ist nach ableybung Childerici seines brüders vß dem closter erfordt/ vñ wid in das künigreich gesetzt/ vñ also der. xiiij. künig genant worden regiert. xiiij. jar. Vñnd wiewol er sich etwas baß dann vorhin gehalten/ hat er doch nichts namhafftigs (geschreyben not) fürgenömen. Vñnd ist sein grosser vom hauß Leudesius/ des obgemelten Erchanaldi sun gewesen. So ist Ebroinus im nechsten jar nach dem künig auch auß dem closter gangen/ vñnd hat sant Leodegarium gemartert/ den künig beschedigt/ ein andern falschen künig erdicht/ vñnd vil übels zügericht/ biß im zñ letst auch der kon ist worden/ vñd ellendiglich vmbkommen. Gedachter Theodoricus ist in dē. xiiij. jar seiner regierung gestorben. Vñd vß seiner haußfrawen Clotilde (d̄ geschlecht wir nit vinden) verlassen zwen sūn. Der ein Cleodoneus/ vñd der ander Childebertus/ von den beiden hernach volgt.

Cleodoneus



Cleodoneus der drit des vorbestympten Theodorici eltester sun/ ist der. xiiij. künig von Frantcreich gewesen/ vñd hat regiert vier jar. Erlich schreyben allein drey jar. Vñnd ist sein grosser vom hauß oder

hoffmeister gewesen Pipinus von Haristell/ Hertzog zu Lotharick vnd Brabant/ genant Pipinus der groß. An dem aller gwalt des Rerchs gestanden ist/ der wider die Friesen kriegt/ vnd Radbodum überwunden hat. Vnd bey disen zeyten seind in Franckē land zu Würtzburg vil lieber heiligen vnd martirer/ (als Arnualdus vnd Adanannus/ Ept/ Adelinus vnd Wilfridus bischoff/ vnd Willebrordus/ die gott dem herrē vil lieber selen vor den bösen erredt habē) gewesen. Aber Cleodoucus (als Gesta Franco:ū anzeygen) ist also gestorben/ das er nichts sonders gehandelt hat/ auch kein kind verlassen/ danon das künigreich an Hildebertym seinen brüder gefallen ist/ wie hertz nach volgt.

Hildebertyus



Hildebertyus des obbestymptē Cleodouci brüder/ ist der. xv. künig vō Franckreich gewesen/ vñ hat regiert. xviii. jar. Vnd ist Pipinus vonn Haristel auch sein hoffmeister gewesen. Sanctus Lāpertus bischoff in ober Vriich

hat disen Pipinū gar hart gestrafft/ vmb dz er Alpaidem oder Adelpaiden die liederlichen frauen/ Plectrude seinem heiligen egemahel fürsetzet. Vnd zu disen zeyten haben zwen künig von Engelland/ als Thoret vnd Opho (da uō Ophenburg bey Strassburg den namē hat) alle zertliche ding verlassen/ vnd den diensten gots nachgefolgt. Diser Hildebertyus ist in dem. xviii. jar seins Rerchs ge-

storben. Anno dñi. 715. vnd drey sün nach im verlassen.
ein genant Chilpericus/ward ein geistlicher münch. Der
ander Clotharius/ vnd der dritt Dagobertus. Davon
hernach volgt.

Dagobertus



Dagobertus der ander/ den er
lich nennen Cleodoneu den vierd
den des vorgemelten Hildberti
sun/ der. xvij. künig von frantz
reich/ hat regiert vier jar. Vñ als
er in dem jar/ do man von der ge
burt Christi zelt. 719. vñ diser 37
gescheiden/ hat er zwen Sün nach im verlassen. Der ein
mit namen Childericus/ vnd d ander Theodoricus. Aber
nichts destminder ist d; künigreich nach seinem abgang/
an seine brüder Clotharium gefallen/ wie hernach volgt.

Clotharius



Lotharius d vierd
des obbestymptē da
goberti brüder durch



sürderniß Karoli martelli vñ grossen hauß
der des vorgemelten Pipini Sun was/ der
xvij. künig von frantzreich/ regiert syben jar/ vnd ist wie
ander mer allein künig gewesen mit dem namen/ dan als
le verwaltung ist bey dem hoffmeister/ oder grossen vom
hauß/ wie yetz Carolus Martellus ist/ gestandē/ der hat
vil grosser thaten gethon/ vnd in sonder die Sachsen ge

3empt/vnd die widerspennigen im tribut zegeben gezwun-
gen. Hat im auch die Beyer vñ ander land vnderthenig
gemacht. Vnd als er gestorbe ist (Anno dñi. 721.) hat sich
Chilpericus d münch sein Brüd des künigreichs vndzoge

Chilpericus



Chilpericus des gedachte Hil-
berts ander sun/künig Sago-
berts Brüd/ist d. xviii. künig vñ
frankreich/regiert fünff jar. Vñ
ee er künig ward/ ist er Prinz vñ
Hertzog in Aquitania gewesen.
Vnd vñ disem künig Chilperico
ist der erst Graff von Holland entsprossen/ vnd hat ge-
hebt zwen sun. Der ein Theodoricus/vñ der ander Clo-
tharius/keid hertzogen in Aquitania. Vnd nach seinē ab-
sterben ist das künigreich an Theodoricum Sagober-
ti seins brüders sun gefallen.

Theodoricus

Theodoricus d ander/ Sagoberti sun/ist mit hilff Ca-
roli Martelli in dz reich gesetzt/vñ damit d. xix. künig vñ
frankreich worden. Wan er aber als Sagobertus sein
vatter starb/noch ein jung kind was/zeregierē nit toglich.
Darüß so hat d vorheriert Clotharius seins vatters Brüd
für in regiert vier jar/vñ nach dē selbē Chilpericus d and
seins vatters Brüd fünff jar. So hat er regiert. xv. jar/vñ
ist on leybs erben gestorben/Anno dñi. 741. Danon ist dz
künigreich gefallen an Childericum seinen Brüd.

Childericus



Childericus alias Hildericus/
des gemelten Theodorici brüder
der .xx. vnnnd letsch Trojanisch
künig von Franckreich/ regieret
ix. jar. Ist ein farlessiger vnachts
barer fürst gewesen/ d̄ gar nichts
nach des künigreichs sachen fraget. Desßhalb er allein
namens hatz künig gewesen ist. Vnd anders nichts mer
dauon gehebet/ dann für sich vnd die seinen das sie leben
möchten/ vnd ist alle verwaltung key d̄ gedachten Cha
rolo Martello gestanden. Anders dann das er in seinem
Begosnen har vnd langen bart zū den gericht̄s tagen in
seinem küniglichen stül gesessen/ vnd ein figur eines regies
renden künigs anzeyget. Item key seinen zeyten seind auff
der menschen cleider Creutz zeichen/ als ob sie mit öl dahin
gestrichen weren erschinen/ wie auch key vnsern zeyten ges
schehen ist. Sarnach auch vil selzams dings/ die leider
noch vor handen seind/ genölgt ist/ vnd noch teglichs vol
gen/ das gott als zūm besten wenden kan. Wan nun dis
ser Hildericus nach Karoli Martelli absterben/ d̄ künigs
reich gang vnmutzlich erkeñt/ vnd dann den Franzosen
mit mer gelegen sein wolt/ das künigreich durch ander zū
regieren. Darumb so ist er mit einbelliger strym der stend
des Reichs abgesetzt. Vnd haben sie dem selben nach ie
treffentlich bortschafft zū Zachariam damals Papst ab
gefertigt/ vnd mit erzehlung ires anligns erlangt/ das sie ei
nen künig erwelen möchten/ der des künigreichs eer vnd

nunz selbs bestellen künde. Also haben sie mit einhelligen
rat erwelt hertzog Pipinen von Lotharick vñ von Brabant
des grossen keiser Carlins vatter. Vnd hat damitt
das geschlecht der Troyanischen künig von Franckreich
in absteygender manlicher linien ein end genömen. Vnd
volgt hernach das geschlecht der Pipinischen künig von
Franckreich.

Der ander teil.

Wie hebt an der annder teyl diser
Chronick/ darin von den Pipinischen Franckē. Das
seind die Francken so iren nechsten vrsprung vnd
herkömen von Pipino hertzogen von Brabant
vnd Lotharick/ der vormals der kron von
Franckreich das grösser hauß oder Hoff
meister gewesen ist/ empfangen hat
ben. Wan nun all Historici dar
in concordiern/ das diser Pipi-
nus in seinem geschlecht der
erst erwelt künig in Fran-
ckreich gewesen ist.

So nemen wir
auch vnnsern
anfang bey
Im.



Pipinus genant der Klein/ ein
 sun Charoli Martelli/ der sechst
 hertzog von Brabant/ vnnnd der
 dritt hertzog von Lotharick. Ist
 seiner hohen vernunft/ weyßheit
 vnd erberkeit halß/ der erst künig
 zu Franckreych worden. Also/ dieweyl der obbestympt künig
 Hilderich von Franckreych/ d' kron von Franckreych
 so gantz vntogenlich vñ vnnütz gewesen ist/ so haben die
 frantzosen ie treffenlich bortschafft/ als mit namē sancti
 Burchardum Bischoffen zu Würtzburg/ mit noch an-
 dern treffenlichen personen zu Papst Zachariam verordo-
 net. Die thetten dem Papst fürhalten ein solliche frag.
 Wölcher vnder den zweyen billicher für ein künig vffzene-
 men wer/ der ihen d' des künigreychs last trüge/ alle ding
 regiert vnd bestellet/ oder d' allein den namen des künigs
 hette/ vñ thet sunst anders nichts mer. Daruff der papst
 antwort/ das der so das künigreych regiert/ vnd das ge-
 meyn güt bessert vnd handthabt/ wer billicher künig/ dan
 der ander. Solich antwort namen die frantzosen an/ vñ
 haben darauff mit einbelliger stym/ disen gegenwürtigen
 Pipinen zu künig erwelt/ wie. ob laut. Vnnnd ward sollich
 Election vnd wal durch den gemelten Papst Zacharia
 auch durch sein nachkömen Papst Steffan confirmiert.
 So hat sanctus Bonifacius/ domals bischoff zu Mentz
 vñ Papstlichem befehl den selben Pipinen sampt seinem
 gmahel Bertrada/ des triechischen keisers Tracly roch

ter mit sampt den zweyen sünen/als Charolo magno vñ
Charolomanno zñ Sweslon consecrirt vnd geweycht.
Anno dñi. 750. Was namlich in dem zehenden jar kaiser
Constantini. Vnd hat diser Pipinus auch seinē vrsprung
vō Troy/aber nit durch die manlich/ sonder allein durch
die weylich luten/also. Der groß künig Clotcharius/des
namens der auder het ein tochter mit namē Blüthildis
die hertzog Ansberto vom Alpai verheyrat ward/ dar
von sant Ferreolus/sant Tharsitia/sant Modericus vñ
Bütgissus alias Arnouldus. Desselben haußfraw gewe
sen sant Oda hertzogin vom Schwaben. Davon sant
Arnolphus hertzog zñ Lotharick/des haußfraw sant
Soda. Davō sant Walchissus/Clotcharius/Theodol
phus/sant Cleodolphus vnd Anchises hertzog zñ Lotha
rick. Des haußfraw sant Vega/ Pipini vō Landen des
ersten hertzogen von Brabant tochter. Davon Pipinus
von Haristell genant der Groß. Desselben haußfraw
sant Plectrudis. Davon Dionysius vnd Grimoardus
Vnd vō seiner haußdiernen genant Alpaide/ Sodonis
(der sanctum Lampertum erschlug) Schwester/ist geboren
sant Charolomannus/ ward ein münch/ Griffo hertzog
in Austrasia/vnd Charolus Martellus hertzog zñ Bra
bant vñ Lotharick/dañ d gegewertig Pipinus des nar
mens d klein/erster künig in Fräckreich/ regiert. xvij. jar.
vñ hat die Sachsen/Beyrer vñ Schwabē/die sich etlicher
sach halß/so sich key Charolo martello seinē vatter seligē
verloffe hertē wid in setze im gehorsam gemacht. Vnläg
darnach erhüb sich ein schwerer krieg zwüsche Aystulpho
dē künig in Lombardē vñ den Römern/vmb des willē
d̄ sich d künig vñstünd die statt Rom vñ die heiligen
kirchē mit gwalt im vñdrēnig zemachē vñ tribut zegebē
Do aber d künig den Römern vil zestarkt was/hat sich

papst Steffan Zacharie nachsar vffgemacht/ vnd ist ey-
ligs zu disem künig Pipinē in frantcreyck gen Paryß zo-
gen/ vnd im sollich anligen der heiligen kirchen vatterlich
anzeigt/ mit fleysiger bitt vnd beger/ das er d kirchen sein
getreiwlich hilff vnd rat mittert. Also hat Pipinus als
ein getreiwwer sun der heiligen kirchen/ sich vō stunden an
erhebt/ vnnnd ist mitt dem Papst durch Italiam biß gen
Rom zogen/ daselbs er oberster hauptman d kirchen an-
genōmen ward. Vnd ist dem selbē nach wider in frantc-
reyck zogen/ vnd hat sich daselbs gerüst. Vnnnd ist zu den
zeyten/ als man von der geburt Christi. 752. jar zelet/ mitt
hercs krafft vff gewesen/ vnnnd hat gedachten künig Ays-
stulphen mit gwalt gezwungen/ das er die kirchen mit fri-
den ließ/ vñ ist damit in frantcreyck zogē. Aber darnach
als in dē. viij. jar Constantini verbach Aystulphus den
fridi vnd legert sich wider für Rom. So dz Pipinus ver-
nam/ hat er sich abermals vffgemacht/ vnnnd ist zogen vff
Basel/ daselbs er den künig kretten hat/ vnd gezwungē
den friden zehalten/ dartzu der kirchen wider zegeben/ was
er ir genōmen hat/ vnd müsten dartzu im die Lomparder
alle jar drey schöne pferdt sein lehen lang zerrubut geben/
vnd müst Aystulphus den friden zehalten vermessen ver-
bürgen/ das sich Pipinus desselben ließ beniegen/ darauff
der heiligen Christenlichen kirchen vil güts entsprungen
ist. Sifer Pipinus hat mit der zeyt dreii cewerker gehebt
Das ein genant Lymphurg/ dauon kein kind. Das an-
der Thalatina/ die hat geboren zwen sūn vnd drey tocht-
tern. Der erst genant Leo papst/ der heilig/ dauon in der
fürstlichen Chronick. Der ander Rapoto. So hieß die
erst tochter Gerdrud. Die ander/ floziana die hüpfch sub-
tyl vnd weyß/ dero cewirt genant Milo. Vnnnd die dritt
Symphorina/ dauo zwen sūn/ als sanctus Kollandus

Da von sant Andegarius erster apt zū Kempten/ vnd der
 ander Simpertus Bischoff zū Augspurg/ von den allen
 in der fürstlichen Chronick. So was die ein tochter Vi-
 geta/ die ander Korina/ vnnnd die dritt Thalatina. So
 was das dritt Pipini ewerß Bertha oder Bertrada mit
 dem grossen füß/ da von drey sün vnd ein tochter. Vnnnd
 hieß der ein sun Pipinus/ starb in der jugent/ vnd die an-
 dern zwen/ als Charolus magnus vnd Charolomānus/
 teylten das künigreich miteinander/ vnnnd als Charolo-
 mannus zwey jar regiert/ ist das künigreich gar an Cha-
 rolum magnum gefallen/ vnnnd hieß die tochter Hysela/
 ward geistlich. Vnnnd ist gedachter Pipinus/ nach dem er
 xviii. jar loblich regiert hat von diser zeyt gescheiden. An-
 no dñi. 769. vnd mit grossen eren in sant Dionysien kir-
 chen zū Paryß begraben.

Charolus magnus



Charolus magnus zū Ingels-
 heim in Teütsch landen geboren/
 des gemelten Pipini sun/ der. vii.
 hertzog vom Brabant/ der vierd
 hertzog von Lotharick/ vnd in di-
 ser linien 8 ander künig zū Franck-
 reich/ regiert. xxxiiij. jar. Vnnnd ist
 als das Römisch reich in halt geschribner rechten vō den
 Friecken vff die Teütschen verwende ward/ der erst Rö-
 misch keiser worden/ vnd dasselbig Römisch reich anfas-
 sen regieren/ Anno dñi. 802. vñ regiert. xiiij. jar. Vnd wirt
 nit allein von der größe wegen seins leybs/ sonnder auch

grossen thaten die er begangen hat/genant wirt der gross
Von wölchen thaten in Gestis franco:um vnd vil an-
dern enden vast vil geschribt ist. So hat Turpinusertz
bischoff zu Remis von seiner leylichen gestalt/auch seine
essen vnd trincken also vil geschriben/ das ich selbs zwey-
fel ob im also sey oder nit/ darumb ichs im aller besten hie
berüwen laß. Aber vonn seinen tugenten vünden wir vier
treffenlich artickel an im/ das ist fromkeit/weysheit/man-
lichkeit/vñ ein güt Christenlich leben. Hat sich auch in sol-
lichen dingen dermassen gehalten/ das er in zal der heilis-
gen (dauo im fünfften büch der Fürstlichen Chronick) ges-
schriben ist. Er hat vil treffenlicher gotsheisser (vnd nam-
lich also vil/ als büchstaken im A B C seind) gestift/vnnd
in regtliches gotshaus ein Büchstaken gemacht/ der ein
pfund Thurnos werdt was. Er hat auch vñ seinem ey-
gen güt vier treffenliche Bistumb gestift/namlich Trier/
Cöln/Wenz vñ Straßburg. Vnd das hoch verrümpft
Studium/das hienor zu Arhenis gewesen ist/mitt des
Papsts verwilligung gen Paryß bracht. Vnnd in sant
Hiltegart stiftung zu Kempton/ desgleichen in franco-
um gestis vnd andern orten/werden vil eelicher vnd vñ-
eelicher weyker vnd kinder/die gemelter Charolus gehebt
hat/bestympt. Vnnd seind anfanglich die eweyker vnd
kinder/so ich hin vnd wider funden hab/wie hernach volgt
Item die erst hat geheissen Galiana/des Heidnischen kün-
nigs tochter von Tolet in Hispania/genannt Galestre/
dauo kein kind. Die ander Irmingardis/ Desiderij des
künigs tochter in Lombardey/dauon auch kein kind/ hat
sich auch vñ ir gescheiden. Die dritt Hildegardis/ hertzog
Hiltebrands tochter vonn Schwaben/dauon drey sün-
als Charolus/ Pipinus vnnd Ludwicus. Sartzu vier
tochtern/ als Gerdrudis/ Hildegarda/ Bertha vnd Wisa.

la. Vnd ist der erst sun Charolus gar ein streytbarer fürst
 gewesen/ dem ward ein teyl der Gallier/ vñ ist vor seinem
 vatter gestorben. So ist der ander sun Pipinus künig in
 Italia vñnd hertzog in Beyern worden/ auch vor seinem
 vatter gestorben. Item die vierd haußfraw Charoli hatt
 geheissen Fastrada/ dauo drey töchtern. Die erst genant
 Theodora oder Theodorada. Die ander Hildrud/ vñd
 die dritt Roathaidis. Irē die fünfft haußfraw Charols
 genant Luitgarda/ vß Teütsch landen/ dauo kein künd.
 Die sechß Poleyenda/ vñnd nit mer eelicher werker vñd
 kinder. Vnd ist gemelter Charolus in dē jar seins alters
 lxxij. vß den. xxviij. tag Januarij vō diser zert gescheide
 Anno dñi. 814. Vñnd eerlich bestattet in der gnadreychen
 kirchen vnser lieben frawen zū Aich in Teütsch landen.

Ludwicus



Ludwicus des namēs der erst/
 des vorbestympten kaiser Carlins
 vß Hildegarden Eelicher sun/ der
 acht hertzog von Brabant/ vñnd
 der fünfft hertzog von Lotharick
 der dritt künig von Franckreych/
 vñd der ander Römisch kaiser in

Teütsch landen/ hat nach seins vatters seligē ablebung
 dz Römisch reych anhebe regierē/ Anno dñi. 815. vñ regies
 ret. xxv. ob als etlich schreybē. xxvj. jar. vñ ist vō Steffa
 no des namēs dē vierdē bapst zū Orlens krönt/ vñ vō sei
 ner sensftmuerigē vñ güttē sittē wegē/ Ludwicus 8 mit ge
 nent wordē. Er hat aber vil wißwertigkeit vō seine künde

gelitten. Dañ die sellen durch etlich mißgünner wider in
dermassen reiztend/ das sie mit werbaffter hand in gefan
gen in sant Medards closter gelegt/ vnd gezwungen ha
ben das reich zeückergeben/ doch ist er desselben jars ledig
vnd wider yngesetzt worden. Dañ er was ein frömer vff
rechtter redlicher Fürst/ der sein tag vil gütter sachen gegen
geistlichen vnd weltlichen volbracht hat/ vñ vñ desselben
halb seinem vatter nit vngemeß gewesen. Vnd bey seine
zertē hat Theodolphus d̄ bischoff zū Diliens/ das gloria
laus (d̄z man yetz am Palmtag singt) gemacht. Gedach
ter ludwicus hat mit d̄ zert zwey eewerker gehebt. Das
erst genant Irmingardis hertzog Ingrams tochter von
Sachsen. Sauon (als Vincentius Gallus schreybt) er
gehebt hat drey sū. Der ein genant Clotharius Rōmi
scher Keyser/ vñ künig in Austrasia. Der ander Pipinus
Hertzog in Aquitania. Vñ der dritt Ludwicus des nar
mens der ander künig in Germania. So hat die annder
eefraw geheissen Judith/ die hert Ethichs Welfen hertē
zū Rauenspurg vnd Grauen zū Altdorff tochter gewes
sen. Von wölchem herren auch sant Cünrat Bischoff zū
Costentz abkömen ist. Nun vñ der gemelten Judith hat
Keyser Ludwig gehebt ein sū mit namen Charolus der
Kal/ hat auch gehebt gar ein selige tochter genant Riza/
die zū Coblentz am Rhein groß wunderzeichen thut/ das
von in Fürstlicher Chronick. Vnd ist diser Keyser Ludwig
vff den Zweintzigsten tag Junij/ im Sechshundzweintzig
sten jar seins Reichs/ als ein gütter Christen seliglich ge
storben/ vnd begraben in dem gotshaus sancti Arnulphi
zū Metz. Anno domini/ Achthundert vñ Einunduiers
zig. Vñ hat nach im regiert hemelter Charolus Calus
Sauon hernach volgt.



¶ Charolus des namens der ain-
der genant d'Kal/ des vorbestym-
pten keiser Ludwigē vß Juditha
sun/ der. ix. hertzog von Brabant
der sechst hertzog von Lotharich/
der vierd künig von Franckreych
vnd von Charolo magno der fünfft Römisch keiser in
Teütsch landen. Er ist als Vincentius vnd ander schrey-
ben gar ein hoffertiger fürst gewesen/ der die sitten vnd die
gewonheiten in Francia gantz veracht/ vnd hat sich den
Frießischen sitten nach gehalten/ vñ vngewonliche cleid
antragen/ als mit namen ein Dracken rock/ mit einer kün-
iglichen gürtel biß vff die sieß herab hangend/ vnd sein
haupt mit ein seydin tüch verwickelt/ vñ daruff ein schön
Byadem oder kron getragē. Doch wie hochmüttig er ym-
mer gewesen ist/ hat er dannoch vil güts gethon/ dan er
in Gallia vnd Italia vil gotsheüser gestift/ vñ die selbē
reychlichen begabt. Vñ vff zükunfft eins mals etlicher heil-
thumb/ hat er das Responsorium/ Cines apostolorum
(das man noch singt) gemacht. Sein Lewerb genant
Reychilt/ vnd hat drey sün vnd ein tochter gehebt. Vnd
was d' erst sün mit namē Ludwicus genant der Stam-
lig oder Babus/ danon sich die kyni d' künig von Franck-
reych continuirt. Der ander Charolus. Der dritt Cha-
rolomanus/ vß den beiden ich gar nichts vünd/ villeycht
in der jugent gestorben. So was die tochter ir großfrawē
nachgenant Juditha/ die ward elich vermahelet Baldo-
12

wino dem ersten grauen zu Flandern. Sauon Baldw-
nus der ander graff zu Flandern. Vnd ist diser Charolus
Caluus (als Sigikertus schreybt) vff dē weg von Rom
gestorben/ vnnnd zu Mantua begraben. Aker Vincentius
schreybt ein anders/ vnd besonder das er zu Lyon begrabē
vnd durch schickung gots zelest in sant Dionysien clo-
ster vor dem altar der heiligen Dreyfaltigkeit bestattet.

Ludwicus Balbus



Ludwicus Balbus genant d
Stamlig/ des vorgemelte Char-
oli Calui clester sun/ vmb des
willen wañ er reden wolte so stam-
let er/ genant Balbus/ der zehent
herzog von Brabant/ der sybent
herzog von Lotharick/ vnd der
fünfft künig in Franckreich/ Anno dñi. 878. Vnnnd als er
zwey jar regieret Franck worden iſt/ hat er ſich in die ſtatt
Karopolin die ſein vatter ſelig geſtufft hat laſſen ſieren/
vnd als die krankheit zügenönnen/ hat er die vorberietē
küniglichen zierden ſeinem ſun Charolo zugeſchickt/ vnd
geſchafft krönt zu werden/ kurz darnach von diſer zeyt ge-
ſcheiden. Namlich vff den zwölfften tag Aprilis/ vnd dar-
ſelbs in vnſer frawen kirchen begraben. Anno dñi. 880.
Seins Leweybs namen Relai/ die key ſeinem leben kein
kind von im geboren/ aber geſchwangeret/ danon ſie nach
ſeinem tod geboren hat ein ſun Charolus d Simpel ge-
nant. Als nun Ludwicus Balbus mit tod verſcheiden/
iſt groſß irung im land vō des künigreichs wegen gewes

sen/ dan etlich vermercktes solt sein ledigē künde/ vnd die
 andē de Rō. Keych zugehörē. Also in anhangender zwē-
 trechtigkeith ward dz eelich kind gebozē mit namē Charo-
 lus/ dan hernach volgt. Nichts bestimmd habē die vnce-
 lichē kind (als Ludwicus vñ Charolomānus) dz künig-
 reych vñ sich geteylt vñ regiert. vj. jar. Darzwischen ist
 Charolus in d hüt Hugonis magni de Pirato künig zū
 Burgundi gewesen. Als aber Ludwicus nit mer dan ein
 jar regiert gestorben ist/ vnd Charolomānus regiert fünff
 jar/ machen in summa wie oblit sechs jar.

Charolus Simplex.



¶ Charolus Simplex des vor-
 gemelte Ludwici Balbi sun/ der
 nach seins vatters tod gebozē ist/
 genant Charolus simplex/ dz ist/
 der schlecht od einfeltig/ vmb des
 willē dz er ganz kein vntreiw/ be-
 trug od arglist in im het. Vñ die
 weyl er noch ein kind was/ hat für in sein ohem künig lud-
 wig vō Germania regiert fünff jar/ vñ nach desselben kü-
 nig Ludwigs absterbē hat sein brūd Charolus künig vō
 Germania für das kind regiert auch fünff jar/ in summa
 zehē jar. Darzwischē vñ doch sich einer des künigrychs
 mit vnrecht/ genāt Vdo od eudo graff Roberts sun vō
 Angiers/ d regiert. ix. jar Der selbig Vdo od Eudo het
 zwen brūdē ein genāt Richart hertzog zū Burgūdi/ das
 von Rūdolf geborn ist/ vñ d and auch Robertus wie d
 vatter geheissē ward graff zū paryß/ vñ het zewē kaiser

Otto Schwester. Da von Hugo Capet/ der nach absterben diser schlechten abstergenden lynien künig in Franckreich worden ist/ wie hernach volgt. Nun als obgedachter Carolus Simplex zu seinen manßbarn jaren kômen/ ist er der rechten lynien nach/ der eylffte hertzog vñ Brabant/ der acht hertzog von Lotharick/ vñnd der sechste künig in Franckreich/ vñ dem Erzbischoff zu Remis benediciret wordē. Aber als Vdo gestorbe ist/ hat sich Robertus sein brüder des künigreichs wöllen vnderziehen. Doch als sie deßhalb zu streyt kômen/ sind/ hat in diser künig Earlin im selben streyt zu Bisison erschlagen/ vñd damit das künigreich wie sich gebürt allein behalten. Vñ regiert. xvij. jar. Sein gemahel hat geheissen Edina/ oder als etlich schreyen Algina/ künig Edwards tochter von Engelland. Da von zwey kûnd/ das ein genant Ludwicus/ dar von hernach volgt. Vñd d̄ ander Gilla/ die erst Grentin von Normadey. Das hat sich also gemacht. Es ist ein Sny/ das ist/ he/ fierer in Normadey gewesen mit namen Kollo/ der hat (als Michael Rictius schreybt) wid disen künig Earlin wöllen kriegen/ das aber dem selben künig Donals nit gelegen was/ darumb hat er Kollouemborten/ souert er Christenlich glauben an sich nem/ vñd seines fürgenômen Kriegs abstünd/ so wolt er im die vorgemelten sein tochter Gilla mit/ od̄ als sie etlich nennen Strillam zu der Le/ vñd dartzu Neustria/ die gleych darnach Normadia genennt ward/ zu Leßteir geben. Also hat der gemelte Kollo solchen fürschlag von künig Earlin willig klichen angenômen/ ist also gütlich abzogen/ vñd hat Gilla zu d̄ Le genômen/ vñd sich lassen tauffen/ vñd nach graff Roberten von Piccarden seinem Tauffgôte auch Robertum lassen nennen. Sie wider den selben hertzog Richart von Burgundi vñd graff Ruperten von Pas

tzß groß krieg gefiert haben. Alsdan ward Normadey zu
einer Graffschafft/ vnd als etlich wöllen zu ein Herzog
erhömbigemacht. Davon obgedachter Koll's oder Ko-
bertus der erst graff oder hertzog/ vnd Gilla sein hauffrau
die erst grauin oder hertzogin in Normadey gewesen seind.
Davon Wilhelmus der erst ic sun. Der ander Richar-
dus graff Wilhelmus sun. Der drit Richardus 2. graff
Richardts des ersten sun. Der vierd Richardus 3. graff
Richardts des andern sun. Der fünfft Rupertus graff
Richardts des driten sun. Der sechß Gwiscardus graff
Ruperts sun. Der sybend Rupertus graff Gwiscards
sun. Der acht Gwilhelmus graff Gwiscards Basthart
Der neünd/ der ist nachmals künig in Engelland wor-
den. Davon hie zeschreyben weiter on not. Obgemelter
künig Earlin ward von graff Egbrechtē vō Vermans-
dors verraten vnd verräterlich gefangen/ vnd vermassen
gehalten/ das er vor ellend gestorben ist. Auff das ist die
künigin mit dem jungen künig genant Ludwig/ wider in
ir vatterlande Engellandt zogen. Dartzwischen haben
graff Egbert vünd (als etlich schreyben) Herbert von
Vermandors/ vnd ein graff von Serters/ sich des künig
reychs wöllen vunderziehen. Aber die Franzosen wolten
iren kein dulden. Darumb haben sie hertzog Rüdolfen
von Burgundiauch künig in Italia/ der hertzog Kerch-
harts sun was erkieft. Des hauffrau Heidwig von
Stralingen gebo:en vonn Habsburg angenommen/ der
regiert. xiiij. jar. Vnd als er zu Alafiodero gestorben vnd
in der Erzbischoflichē Statt Senonis in d kirchen sancte
Columbe begraben ist. Anno dñi. 939. Haben die fran-
zosen vō stunden an treffenlich borthafft in Engelland
verfertigt/ vnd dem jungen künig vnd seiner mütter sol-
lichs (dartzu das rezo güt frid in Fracia were) verkündet

vnd begert das sie wider in Franckreich kömen solten/ dz
ist geschehen/ vnd kam damit das künigreich wider vff
die rechten lyni/ wie hernach volgt.

Ludwicus profugus



Ludwicus Profugus/ genant
der flüchtig/ des vorgemelten Ka
roli simplicis einiger sun/ der. viij.
hertzog von Brabant/ der. ix. her
zog von Lotharick/ vnd der. viij.
künig von Franckreich. Doch ee
er zeregieren togenlich gewesen ist
hat an seiner statt regiert hertzog Rüdolff vñ Burgüdi
domals künig in Italia. viij. jar. vñ darnach ist er durch
herr Wilhelmen Erzbischoffen Sedonen. in der bischoff
lichen statt Laudun gefatbet worden. Vnd als er vff ein
zeyt ein Parlament in die obbestympt statt Laudun be
schribenn hat/ dahin der obgemelt Egtbert oder Herbert
kömen ist wider den selben künig Ludwig allerley gedens
cken her/ wie er in mit güten fügen straffen möchte vmb dz
übel er an künig Karlin seine lieben vatter seligen begang
en het. Also bestelt er in geheim ein geschickten botten/ der
zu gelegner zeyt auff Engelsch art cleidt/ in ein brieff den
er doch selbst geschriben het/ als ob er den selbst vß Engel
land bracht het in das Parlamēt überantworten solt/ dz
ist geschehen. Nun als der schreyber solchen brieff dem kün
ig allein gelesen/ hat er anheben schmolten vnd lachen.
So das die treffenlichsten vom Parlament gesehen ha
ben sie gemeynliches wer rendert ein güterer schwanck/ vnd

seind damit hinzü treten vñ gefragt zc. Antwort der künig. Bey dem brieff hab ich gemerckt/ das die Engelschñ in die aberwitz gond/ dan mein ohem künig Herman vñ Engelland schreybt mir vmb rhat eins ackermans halß der ein herren zegast geladen hat/ vnd den selben alsdan vntredlich vmb sein lebē bracht/ mit was peen solcher ackerman zestrassen sey/ darumb gebt rhat damit d bort wiß abgefertigt/ das übel gestrafft/ auch mein ohem sehen möge das wir im zewularen geneygt seyen. Also gab anfang klich Theobaldus Blesensis/ der gar ein fürteffenlicher weyser man was/ die v:reyl/ vnd sprach. Wiewol ein sollicher übeltheter mancherley straff würdig wer/ so bedünkt in doch in disen dingen kein schmachlich er tod/ dann das man solchen übeltheter mit einē strick an ein furgken vffhengen solt. Als nun die andern all desgleichen Herbertus der selbē v:reyl genolgt haben/ seind vñ ein verborgenen winckel die scherzen hersür treten/ vnd haben wie sie dan desselben vom künig vnderriecht warē/ Herbertu gefangen/ vñ zū Laudun an die furgken gehenckt. Aber ee d herker den strick zesamen knüpfst/ hat sich der künig zū Herberto leit vñ gesagt. Herberte/ du bist der vntreiw ackerman der mein aller liebste vatter dem künig Karlin zū Veron ir fengknüß gemerzet hast/ darumb nym hin den kon weins verdienē/ ist damit gescheiden/ vñ heist d selbia übel da solliches geschehen ist noch heut bey tag/ d herberts berg. Vñ ist diser ludwig genēit profugus dz ist/ flüchtig/ dan er in ein krieg dan ein groß volck d Frantzosen nærgelē ist vñ ein nichtigē roß flucht genōmen hat ist aber in d selben flucht vñ ein Danen fenglich angenōmen worden/ vñ bey dē selben erlich tag gehaltē/ vñ da nach vñ keuelß Bernardi fenglich gen Xuan gefiet worden/ vñ daselbs auch erlich zyt in hüt gehalten vñ

als sein hauffsfrau sein domals pflegen/ hat sie zu kaiser
Otto im brüder geschickt/ vnd den selben vmb hilff ange
triefft hat. Aber der kaiser seiner Schwester geantwort/ das
im sollich übel vmb des willen dz er dem frömen hertzog
Wilhelmen weder treuw noch glauben gehalten hab/ nit
vnbillich widerfaren sey. Also ist die güt künigin trostlos
gewesen/ vnd sich zu dem grossen Jagen grauen zu Pa
ryß gewendt/ den selben bey der pflicht damit er item herr
ren vnnid künig verwandt sey gebetten in zu erlösen. Also
hat er mügliche fleiß nit gespart. Doch hat in zelest kais
er Otto sein schwager auch nit verlassen. Wie man dan
sollichs in gestis Fracorum weyters inhalts vinder. Item
dieser künig Ludwig/ hat die zeit seins lebens nit vil glücks
geseht/ vnd als er. xij. jar regiert hat/ ist er nach berietten
sengtnuß im selben jar gestorben/ vnd in der Erzbischoff
lichen statt Remis in sant Remigien kirchen/ in ein kün
iglichen grab eerlich bestattet worden. Anno dñi. 915. Er
vñ sein hauffsfrau genant Enkeberga od Geberga/ habñ
vier kind beyeinander geseht. Das ein genant Charo
lomanus/ der ward von den Normandern hinweg ge
fiert gen Ruan/ daselbs er auch gestorben vnd begraben
ist. Das annder Hildegart/ die ward herr Dietrich dem
grauen von Holland vermehelt. Daron Arnolphus
d dritt graff von Holland/ des gemahel Luytgard des
kaisers tochter von Friecken/ daron zweu sün. Der ein
Dietrich/ der vierd graff von Holland. Vnd von dem
selben Dietrich 2. der fünfft graff vñ Holland. Der an
der Syfrid Burggraß vnd herr zu Biederode vnnid von
Taylingken. Dano zweu sün. Der ein Dietrich herr vñ
Biederode. Der ander Symon herr von Taylingken.
Das dritt künig Ludwigs kind Clotarius. Vnd das
vierd Charolus. Von den beiden hernach volgt.

Clotharius



Clotharius der vierd/ des vor
gemelten Ludwici Profugi sun/
der. xiiij. hertzog vō Brabant/ der
zehend hertzog vō Lotharick/ vñ
der acht künig von Franckreich/
hat regiert. xxxj. jar. Sein Ehe
mahelin Gemma/ dauon er ein
sun geboht hat/ mit namen Ludwicus der letst/ dauon
hernach volgt. Diser Clotharius hat seinem brüder Ka
rolo die zwey hertzogthüm als Brabant vnd Lothar
ick übergebñ. Darumb er der. xiiij. hertzog zu Brabant
vñ d. xlvj. hertzog zu Lotharick gewesen ist. Sein hauffe
fraw Al. dauo zwey kind/ dz ein genant Otto/ der. xv. her
zog von Brabant/ vnd der zwölffte hertzog von Lothar
ick/ der hat an seinem todtkech dem Römische reich die
zwey hertzogthüm Brabant vnd Lotharick frey willig
lich übergeben. Die nachmals graff Gottfrid vō Arden
non/ vom kaiser zeichen empfangen hat. Nun vñd ich
zwey kind vō im geboren/ eins Gerberga/ die graff Lams
perten von Hennigaw vermahelt ward. Die ander Iro
müngarda/ die graff Bernharten von Naamur verma
helt ward. Aber das ander kind Charoli hat auch geheis
sen Gerberga. Das vierd graff Heinrich von Lösen vñ
Brüssel verheyrat/ der ward erschlagen. Danonn Graff
Heinrich der jung/ seind etlich der meynung/ das die ob
gemelten zwō tōchtern mit Ottonis/ sonder Gerberge seiner
schwester tochter gewesen seyen. Sie seyen aber sein oß sein
f

net Schwester tochter gewesen/ kan ich doch nit vündē/ war
 umb er sie enterbt hat. redoch ligt am tag/ dz die self Ger
 berga verlorē hat iren vatter/iren brüder/ir land/ die kron
 von frantcreyck/ vnd iren man im krieg. Vund hie ist zū
 mercken/ das keyser Otto zū disen zeyten Lotharingen zū
 ein hertzogthūmb gemacht hat. Wie man dann sollichs
 in gestis francoꝝ vñ in d Lotharingische chronick wyters
 begriſſs findt. Sifer Karolus ist verrerlich gefangē wo
 ren/ vñ wie sein groſſvatter darū gestorbe. Anno dñi. 983.

Ludwicus



¶ Ludwicus diß geschlechts der
 leyst künig von frantcreyck/ des
 vorbestymptē Clotharij sun/ als
 das hertzogthūmb Brabant vñ
 Lotharick key hertzog Ottē seins
 vatters brüders sun abgestorben
 ist er diß geschlechts der leyst kün
 nig von frantcreyck gewesen/ vund hat regiert ein oder
 zwey jar. Sein hauffraw genant Blancea künigin von
 Navarra. Davon kein kind/ deßhalb hertzog Karlin vñ
 Brabant seins vatters brüder/ als der nechste ab sich des
 künigreichs vnderzogen hat. Dargegen aler etlich fran
 zosen vermeynten sollichs nit zū gestattē. Also lang biß
 das die zwyttracht vnd irrung/ so sich zwüschen im vund
 den frantzosen domals hielt/ vertragen were. In dem
 hat sich Hugo Capet daryn geschlagen/ vnd vermey
 net das künigreich solt im zūston. Angesehen das seine
 altsordern/ vnd besunder Vdo zū den zeyten Charoli sun

plias/als der selb noch nit togenlich zu regieren künig in
frantcreyck gewesen seyen. Auch von des künigcreycks
wegen schaden empfangen/vñ zu lest vmbkōmen. Aber
wie dem/als Charolus ye vermeynt der sipschafft nach
die besten gerechtigkeit dartzu zehaben. Angesehen das
er von dem selben küniglichen stammen vñnd namen
hertkōmen were. Vñd es aber Hugo der von seinen al-
fordern allein ein graff was/nit darbey wolt lassen bleybē
hat er sich vffgemacht vñd iſt mit werhaffter hand wider
graſſ Hugen zogen/in willen vñd fürſatz/sein vatterlich
erbschafft mit dem schwert zu behalten. Ist also kommen
biß an den berg Laudunum/den hat er gewūnen. Dar-
gegen graſſ Hug sich für die selb statt gelegert hat/d mer-
nung sie zu eroberē. Aber im andern Monat des legers
wūschten die belegerten in der statt heimlich heruß vñnd
verbrandten vñ erschlugen als vil volcks/dz graſſ Hug
kaum allein darvon kam. Darnach belegert Charolus
die statt Remis/vñd gwan die selben auch/vñd entſetzt
den Erzbischoff den graſſ Hugo dahin gethon het/vñd
verschickt in in dz ellend/vñ setzt ein dahin der sein Neue
was/der ward aber nach hertzog Karlins tod auch abge-
setzt. Darnach kamē sie aber wid einander zestreytē. Aber
als sie nun vier jar wider einander kriegt hetten/vñ graſſ
Hug vermerckt dz in d hertzog vil zestarkt was/vñ gar
nichts geschaffen kund/gab er flucht vñ gedacht/ dieweyl
er merckt dz er seinē gwalt ye nit wißton mocht/ob er yen-
dert rat vñdē mocht/damit er im in andn weg etwas ab-
brechē mocht/hielt also bischoff Anshelms rat von Lau-
dun/d dan gar ein alter erfarnet man was/auch hertzog
Karlins ratsmā.also erdachtē sie beid/mālich d bischof vñ
d graſſ ein falschen anschlag/dē sie auch nachgiengē. Also
nach dē hertzog Karlin zu d zeyt sein wonūg zu Laudun

hat der Bischoff zenacht als die burger schließen/ vnd sich
gar nichts besorgten/ die porten vffgethon/ vnd den
vilgemelten Graff Rugen mit einem grossen
volck in die statt gelassen/ der hat sich vñ
stunden an zñ hertzog Karlins Paß
last gefiegt/ vnd daselbs Hero
zog Karlin vnd sein Hauß
strawē am betz vffgehebt
vnd gefiert gen Orlis
ens in gefengtnüß.
Darumb auch
graff Hug de
Bischoff
ein grosse
schenckung thet
Als nun der hero
zog durch verretes
rey gefangen was/ ließ
sich graff Hug selben zñ
ein künig vñ Franckreich.
Vñnd desselben jars starb der
Hertzog in der gefengtnüß. Also ist
das künigreich auß der Pipinischen vff
die Hugonischen lynien gewachsen/ wil mich
auch hiemit auff den selbenn stammen wenden.

Der dritt teil.



Je hebet an der dritt teyl diser Chro-
nick/darin die Hugonischen Frano-
cken/das seind die Francken/so iren
nächstten vrsprung vnd hertommen
von Hugone Capeth grauen von
Paryß genömen haben. Vñ zñ vns
verrichtung diser ding. Ist zewissen/
Das zñ den zeyten Charoli Simplicis gewesen ist/ein tref-
fenlicher graff vñ Angiers/genant Robertus/der hat ges-
hebt drey sun. Der erst genant Vdo/Eudo od Vdo/der
zñ den obgedachten zeyten/als Charolus Simplex noch
ein kind was/die kron von Franckreich neün jar besessen
hat/wie daselbs geschriben ist. Der ander sun Robertus
graff zñ Paryß/der selbig hat sich nach sein brüders abster-
ben auch des Künigreichs wöllen vnderziehē. Das aber
Künig Karlin/der nun etlicher maß zñ seinen tagen kom-
men/mit gelegen was. Darumb dieweyl er seines vnbi-
lichen fürnemens nit absteen wolt/hat er in wie oblaute zñ
Bison in ein streyt erschlagen. Der dritt Sun genant
Richardus hertzog zñ Burgundi/danon zwey kind/das
ein genant Rüdolphus hertzog zñ Burgundi/Künig in
Italia/vnd an Ludwici Profugi statt Künig zñ Franck-
reich/wie oblaute. Der hat zwey weyber gehebt. Das ein
genant Bertha/hertzog Burckharts dochter vñ Schwa-
ben. Das ander Haidwig von Stralinge geboren vñ
Habsburg/danon Beatris Rüdolphus Künig zñ Bur-
gundi. Vnd von dē selben Beato Rüdolpho sant Adel

Seit Römische Keyserin/wie man dan solliches in andern
büch fürstlicher Chronick geschriben vinder. Darbey auch
ergentlich die freundschaft zwischen den Hugonischen
vñ Habsburgischen Fürste gemerckt wirt. So hieß das
ander kind des obgemelten hertzog Rüdolffen schwester
Waldrada/gar ein vñ dermassen hüpsch/ werß vñ erber
frawenbild. Dem aller mechtigsten Marzgrauen Bo-
nifacien zu Spolet vermahelet/ dan ich nit weiter vinder.
So hat der obgemelt Robertus 2. Graff zu Parß ein
sun/ genant Hugo der groß Graff zu Parß. Sie seind
auch grauen zu Angiers vnd in Piccardy gewesen. Der
selbig Hugo magnus/ vnd Ludwicus profugus/ haben
zwo schwestern zu der Le gehebt/ die beide hertzog Hein-
richen von Sachssen töchtern/vñ keyser Otto des ersten
schwestern gewesen sind. Vnd hat die ein schwester künig
Ludwigs werß geheissen Gerberga/ dauon hertzog Kar-
lin von Brabant/wie oblaute. Vnd die ander diß gegen-
würtigen graff Rugen werß geheissen Alpbaida. Das
sind drey sün. Der ein Heinrich/ der ander Otto/ vnd der
dritt Hugo Capet geborn seind. Darbey abzunehmen
das die zwen als hertzog Karlin/vñ Hugo Capet
die hienor vmb das künigreich wider einander
gestriten haben zweyer schwester kinder/vñ
also nahe freundschaft einader ver-
wandte gewesen seind. Vom
wölchem Hugo Capet
hienach weytter ge-
schriben ist.

Hugo Capeth



Hugo Capeth ist von geburt
ein graff zu Paryß/ Marschalck
der kron Franckreich. Der erst
künig von Franckreich/ des ges
schlechtes/ der vonn gott mitt vil
leyplichen vnnnd seelichen tugens
ten begabt gewesen ist. Vnnnd hat anheben regiern/ Als
man zalt von der geburt Christi vnnsers herren/ Neün
hundert Achtundachtzig jar. In dem fünfften jar Otto
nis des dritten kaysers. Vnnnd herrschet über Franckreich
Neün jar. Vnnnd heist darumb Hugo Capeth/ wann er
mit einem scherzen wolt/ das sein gewonheit was/ im die
Cappen zeneimen/ wie dan damals der sitt was Cappen
zetragen. Sein haußfraw des obbestympten letzten kün
ig Ludwigs vñ Franckreich verlassen wittib. Davon
ein seligen Sun genant Robertus/ davon hernach
volgt. Vnnnd ist gemelter künig Hugo/ als er
Neün jar regiert hat/ Christenlich von die
ser zert gescheiden/ vnd loblichen bes
tattet in sanct Dionysien kir
chen zu Paryß.



¶ Robertus des vorgemelte künig Hugon eelicher sun/genannt der Senger od Selig/ ist der ander künig in fräckreich gewesen/vnnd hat regiert. xxxiiij. jar. Er ist gar ein gotsfürchtiger frömer fürst gewesen/vnd in der kunst Musica für ander wolgeleret. Darumb so ist er zu den hochzeitlichen tagen in der kirchen sancti Dionysij in den Chor gestanden/vnd hat den priestern geholffen psalliern vnnd singen/regiert auch mit dem Cantor den Chor. Er hat de almechtigen gott zu eren gemacht das Responsorium/ Judea et Hierusalem/so man zu Werbenechte singt. Er hat den Sequens Sancti spiritus affit nobis gratia/so man inn Pfingsten singt gemacht. Sein haußfrau genant Cōstantia/ graff Wilhelms von Arrelat tochter. Vnd als die selbig in vff ein zeyt gebetten hat/auch ein gesang vō ir zemachen/ hat er von den heiligen Marttern sancti Dionysij vnnd andern gemacht das Responsorium. O Constantia martyr tum. Er ist ganz milde gewesen/hat vil gotsheiser gestiftet Aber sein haußfrau was vast gertig. Item als künig Heinrich von Burgundi stercken wolt/ hat er disem seligen Roberto Burgundi in ein Testament übergeben. Vnd als graff Landrich von Flynens sich darwider setz/ hat er in bestritten/vnd damit den syg vnd Burgundi behalten. Vnd haben fünff kinder bereinander gehebr. Das ein genant Henricus/ward nach im künig/ dauon hers

nach volgt. Das ander (als Bassa Cronica sagt) Hun-
 derus/ der starb jung. Das dritt Hugo ward Prinz inn
 Ost frantckreich. Das vierd Robertus/ward künig vñ
 Burgundi. Vnd das fünfft Alyt oder Allisia/ die ein gra-
 uen von Nyuers vermahelet ward. Diser künig Robert
 hat sunst noch ein hauff frauwen gehebt/ mit namen. S.
 künigs tochter von Nauiomens/ dauon zwen sün. Der
 ein Symon/ vnd der ander Amabricus/ dauon Baldwi-
 nus vñd Amabricus künig zñ Hierusalem abkömen
 seind. Er ist seligklich von diser zeyt gescheiden. Anno dñi
 M. xxxj. vnd mit den eren als sich zympt in sant Dio-
 nysien kirchen zñ Paryß bestatter.

Heinricus



Heinricus des obgedachten se-
 ligen künig Robertē celicher sun
 ist der dritt künig vñn frantck-
 reich gewesen/ vñd hat regiert
 dreyssig jar. Vnd nach dem seinē
 brüder Roberto mitt der mütter-
 chat/ das künigreich Burgundi

worden/ ist groß krieg daruß entsprungen. Aber als Hein-
 ricus Roberto vil zeschwach was/ nam er flucht vñ zoch
 zñm hertzogen von Normadey/ mit desselben hilff er wi-
 der zñm schwert kam/ vñd behielt es. Ist darnach an seinē
 sun Philippum komen. Anno dñi. 150. Sein hauff frauw
 die erst genant Anna/ künigs tochter von Reüssen/ gar
 ein andechtig from frauwenbild/ die hat das loblich gotz-
 hauß sancti Vincentij zñ sant Saluancet gestiftet/ vñd an

ders. Von ir seind geboren drey sün. Der ein genant Phi-
lippus/den hat sein vatter Heinrichs als er noch acht jar
alt was/ mit verwilligung der Stend Franckreych bey
seinem leben zu künig zu Remis lassen krönen. Vnd vn-
lang darnach ist er seliglich gestorben. Aber zuvor den ge-
dachten seinen sün dem loblichen grauen Balduino von
Flandern beuolhen/ der im auch treuwlichen beystand vñ
hilff bewisen hat/ auch als er zu seinen tagen kömen ist/ im
das künigreych in guttem wesen zugefelt. Diser Heinri-
cus ist bey seinem Eni vnd Vreni zu sant Dionysien be-
grabenn. Als man zalt von der geburt Christi Tausent
vnd Sechzig jar. Von wölchem Heinricho/ der hochwir-
dig Hildefertus bischoff Cenomanensis gar vil gehalten
hat/ vnd von im also geschriben. Nach meinem tod würd
ich mit im lebenn/ auch mit im rüwen. Es sol auch mein
glück nit besser werden dan das sein. Darbey abzenemē.
Das er in auch für selig gehalten hat. Nun von dē vor-
bestympten Philippen dem ersten Sun/geschicht hienach
weyter meldung. So hieß der ander sün Robertus hertz-
og zu Burgundi. Vnd der dritt Hugo/ der ward künig
zu Hierusalem. Vnd als er desselbigen künigreychs pos-
session hat wöllen empfaheñ/ ist er vnderwegen gestorben.

Vnd nach im zu künig erwelt worden/ der hertzog in

Lothungen/genant Gotfridus von Bullion.

So hat sein annder gemabel geheiffenn.

Nachant Grewin vonn Vermands

dors/ Sannon graff Rüdolff

von Vermandors/vind

nit weyter.

Philippus



¶ Philippus des obgedachten
künig Heinrichs eltester sun/ ist
der vierd künig vō frantcreyck
gewesen. Vnd hat key seins vat-
ters leben vnnnd darnach regiert
xliij. jar. Vnnnd key seinen zeyten
als gesta franco:um melden/ ist Burgundi in zwen teyl
geteylt worden. Also das der teyl so an Campania stoßet/
der kron frantcreich/ vnd der ander teyl mit Bisantz ein
Römischen keysern zugehörn. Sein haussfraw genant
Bertha künig florentzen von frigia graue in Holland
tochter/ dauon zwey kind. Das ein genant Ludwicus/
dauon hernach volgt. Das ander Constantia/ die ward
ein fürsten vō Antiochia vermahelet. Sunst hat er noch
ein dienen gehebt genant Bertrada greuin von Angiers
vnd dauon dreii kind. Das ein genant Philippus graff
von Angiers. Vnnnd das ander Alida greuin von Aile.
Vnd das dritt florimundus graff zū Piccardy. Vnnnd
zū disen zeyten ist Gotfrid von Bullion/ vnnnd sunst gar
vil leüt gen Hierusalem zogen. Vnd als in die Christen
habenn zū künig wölken krönen. Hat er geantwort/ das
er kein guldin kron an dem ende/ da Christus ein dornin
kron tragen hat/ tragen wölke. Vnnnd als er gestorben ist/
hat Balduinus sein brüder achtzeben jar zū Hierusalem
regiert. In wölchen jarn er die Egyptier zūm dritten mal
überwunden hat/ vñ zūletzt Calipham iren künig erschlas-
gen. Schreybt Eusebius.

Ludwicus der groß



Ludwicus genant d groß/ des
vorgemelten künig Philippen el-
tester Sun/ der fünfft künig von
fräckreych/ hat key seins vatters
leben vñ darnach regiert. xxviij.
vñ als etlich schreyben. xxix. vnd

etlich. xxx. jar. Sein hauffraw genant Alida/ greuin vñ
Moras. Daron syben kinder. Das ein genant Philip-
pus. Vnd das ander Ludwicus/ von den beiden hernach
volgt. So hat das dritt geheissen Heinrichs ertzbischoff
zū Remis. Das vierd Philippus Erzpriester zū Paris
starb jung. Das fünfft Constantia greuin zū Solosa.
Das sechst Robertus/ Graff zū Angiers/ der zoch gen
Hierusalem. Noch sind ich ein sun genant Petrus. Des
hauffraw gewesen ist/ eins grossen herrn tochter genant
Reginaldus graff von Cartenay/ vñ nit weyter. Vnd
als diser Ludwicus in güttem alter franck worden ist/ vñ
befunden das sich sein seel von im scheiden wolt/ hat er ein
deppich vff das erdtrich lassen spreiten/ daruff ein zeichen
des heilige Creütz vñ eschen gemacht/ da verschied er als
ein gütter Christen. Vñnd ist key seinen alfordern in sant
Dionysien kirchen zū Paryß eerlich bestattet. Er hat vil
treffenlicher krieg gefiert/ vñnd güt glück gehabt/ wie man
dan sollichs in gestis francozum vnd andern enden nach
der lenge geschriben vñndt.

Philippus



Philippus des obgenantē künig Ludwigen von Frantcreich eltester sun/der sechst künig von Frantcreich ist bey seins vatters leben zu küniglicher wüde gesalbet worden. Vnd als er vilttercht zwey jar künig gewesen ist er zu Paryß von seinem pferde gefallen/das hat in vff der gassen daselbs also jemerlichen umbzogen/das er gleych hat miessen sterben. Vnd weder weyb noch kind/vñ hat sein vatter noch acht jar nach im gelebt. Darumb nach desselbē entleybung/der ander sun genant Ludwig der jünger künig ist worden/wie hertz nach volgt.

Ludwicus d Jünger



Ludwicus genāt der jünger/des obgenanten künig Ludwige des grossen sun/vnd Philippen des vorber stympet sechsten künigs brüder ist der sybent künig von Frantcreich gewesen/vnnd hat vierzig/etlich schreyben. xliij. jar regiert. Er hat drei Ewerker gehebt. Das erst genant Elionara od Alionora/ein cinige tochter des grauen von Aquitania/dauon zwo tochter. Die ein Maria greuin von Troys. Die ander Alida greuin von Bloys. So hieß das annnder ewerch Johanna/oder als etlich schreyben Constantia/Alphonsi des künigs vñ

Hispania vñ Castelle tochter/die hat zwey kind empfan-
gen. Das ein genant Margaretha künigin von Engel-
land. Vnd das ander hat nit namen/ Dañ sie an dem sel-
ben gestorben ist. Darnach ist das dritt weyb gewesen
Alte/oder (als etlich schreyben) Alia oder Allisia/greuin vñ
Blesens in Hispania/ dauon Philippus den sein vatter
künig Ludwig/als er. xiiij. jar alt was/erstlich zñ Remis
vñnd darnach zñ Paryß zñ küniglicher zierde hat lassen
wirdigen vnd salben/ dauon hernach volgt. Vnd ist ges-
meler Ludwicus am schlag gestorben/ Als man zalt vñ
der geburt Christi/ Tausent/ hundert vnd achtzig jar/ vñd
gefiert in das closter seiner stiftung/ genant de Barbello/
das Alisia sein letzte haußfraw mit syßber vñ gold/ edelm
gestein/ treffenlich hat lassen zieren.

Philippus



Philippus vñb des willen dz
er von seiner mütter von gott er-
beten ist von ir geboren zu werden/
des obgemelten künig Ludwige
des jüngern son genant Adodas-
tus/ das ist/ vonn gott geben/ der
vñj. künig von frantkerch/ hat
bey seins vatters leben vñd darnach regiert. xliij. jar. Er
hat mit der zeyt drey cewerker gehebt. Das erst genant
Isabella graff Baldwins tochter von Hennigaw/ von
der selben er zñ eesteir gehebt hat die graffschafft Arthe-
sum/ biß an das wasser Lysa. Desgleychñ Arthors/ vñ
die statt Attrebat/ dauon Ludwicus nach seins vatters

ableybung künig in Fräckreich laut des nachfolgenden
titels/ vnnnd Philippus graff zu Poloenen. So hat das
ander weyb geheissen Ingeberga/ künigs tochter vō Sal
nacia/ davon ein tochter genant Maria hertzogin von
Brabant. Vnd als er sich von der selben (nit weiß ich vß
was vrsachen) gescheiden/ hat sie so ein götlich lebē gefiert/
das sie vil lieber ein einig wesen fiere/ dan ein andern man
nemen wolt. So hat das dritt weyb geheissen Maria/
des hertzogen nachmals künig tochter vō Behem/ vnnnd
kein kind. Diser Philippus als er nun seer alt worden/ ist
er von diser zeyt gescheiden. Als man zalt von der geburt
Christi/ Tausent/ Zweyhundert vnnnd dreihundtzwainzig
jar. Vnnnd in ein großmectigen grab eerlich bestattet/ in
sant Dionysien kirchen zu Paryß. Vnd on zweyfel vmb
seiner tugent willen in güttem sein nit zeuergessen. Er ist
gewesen ein merer seins Reichs. Vnd hat in seinem Te
stament dreihundert tausent pfund Paryser werung/
zewiderstand der vnglaubigen vnnnd handhabung
der Christenheit gen Hierusalem verordnet. Wöl
ches gelt künig Johanssen von Hierusalem/
der damals zu Campostel was/ also hat
dargezelt ist worden. Darnach tausent
hundert an ein Spiral. Vnnnd nichts
destminder armen leuten/ Tausent
Zweintzig/ On das er sunst den
geistlichen/ die gott ewiglichen
für sein seel bitten sollen/
verordnet hat/ darüß
er nit vnnbillich ge
neit ist Alex
datus.



Ludwicus des obgenantē künig Philipßen sun/ ist der neünd künig von frantzreich gewesen vñ regiert drey jar. Vnd als im vff ein zeyt bootschafft kōmen ist das er auff einen tag inn dreyen

kriegen wider seine feynd drey syg behalten/ hat er dem als mechtigen zū lob vnd danck ein Alpter gestift/ hat auch sunst ein kleines kirchlin vñ daryn die lantzē vñ schwam vnfers Herrn/ die im d Constatinopolitanisch kaiser Balduinus geschickt hat/ gestift. Wir vinden auch vonn im/ das er eelich reynigkeith gehalten hat/ vnd sunst kein ander werb erkēnt. Vnd als er gestorben/ ist er von Montpense rio bey seins vatters grab zū sant Stonysien begraben worden. Sein gemahel genant Blancha/ künigs tochter von Hispania oder Castelle/ danon fünff sūn. Der erst Ludwicus der heilig/ danon hernach volgt. Der ander Robertus/ ward graff zū Arthesia oder Artoys vñ Attre bat/ danon die grauen von Arthesia oder Artoys herkōmen. Vnd ist der lezt der selben grauen gestorben. Anno dñi. 1470. Der dritt Alphonsus graff von Portiers. Der vierd Charolus graff von Prouenz vnnd Angauwen/ auch künig von Sicilien. Sein haupffraw Maria von Hierusalem/ die het vier tausent pfund ynkōmens vff d graffschafft Angauwen/ die sie Charolo verlassenn hat/ dan sie was zū Hierusalem vertriben/ vñ kam ellend in frantzreich. Der fünfft Philippus/ d starb jung. Dartzū

Der er auch ein tochter genant Isabella/ die ward geistlich
sant Franciscen ordens.

Ludwicus d heilig



Ludwicus genant der heilig
des vorgemelten künig Ludwi
gen sun. Ist d zehend künig von
frantkreich gewesen/ vnd hat re
giert. xliij. jar. Von des tugent
reichen worten vnd wercken in
der fürstlichen Chronick geschri

ben ist. Sein haupfraw genant Margaretha grauin vō
prouentz/ danon neün kinder. Das ein genant Blanca
künigin von Castilia. Das ander Agnes hertzogin von
Burgundi. Das dritt Isara oder Isabella/ künigin zu
Nauarra. Das vierd Margaretha hertzogin von Bras
bant. Das fünfft Ludwicus/ d starb in der jugent. Das
sechst Johaſſ/ graff zu Tyuers. Das sybend Petrus/ gras
ue von Alleson/ der ist on erben gestorben. Das achtend
Robertus graff zu Claremont/ freyherz (oder als etlich
schreyben) hertzog zu Burbun. So ist das neünd kind ge
wesen Philippus. Davon hernach volgt.

Philippus



Philippus des vorge
melten künigs Lud
wigen sun. Ist der
erlfft künig von frantkreich gewesen. Vnd
ist zu den zeyten als man von d geburt Chri

si zelet/ Tausent/ Zweyhundert/ Fünffundseßzig jar/ vmb
Aller heiligen tag/ zu Remis krönt worden. Vnd hat re-
girt Viertzechen jar. Vnd wiewol er groß wollust pflegē
hat er doch darnach sich treffentlich gebessert. Vnd zu
letzt als er tödlich krank ist worden/ mitt verseyhung der
heiligen Sacrament/ Christenlich von diser zeyt geschey-
den/ vnd an zweyen enden begraben. Dann sein vorhertz-
ligt zu Narbon/ vñ sein gebein im gotshaus sancti Dio-
nysij. Er hat zwey ewerß gehebt. Das erst genant Isas-
bella/ künigs tochter vō Arragonia/ dauō drey sün. Der
ein genant Charolus/ graff vō Valors. Der ander Phi-
lippus der Schön/ dauon hernach kompt. Vnd hat ge-
dachter Charolus auch zwen sün gehebt. Der ein Philip-
pus/ graff vō Valors/ der ward nach künig Karlin dem
Schönen/ künig von Franckreich. Aber der ander Karle-
graff von Alleson/ dauon graff Peter vō Alleson. Vnd
von Petro hertzog Johan von Alleson. Vnd von Johan
hertzog Ludwig vonn Alleson/ vñd nit wyter. So hat
der dritt sün geheissen Ludwig/ dauon hernach volgt.
Nun nach absterben der ersten frauwen/ hat er zu der Le-
griffen mit Margrethen der hertzogin von Brabant/ da-
von ein sün/ auch Ludwig geneit graff von Söringen/
vnd zwo töchter. Die erst Blancha/ die ward hertzog
Leopolden von Osterreich/ genant der Milt/ geboren von
Habsburg vermahelt. So hieß die ander tochter Mar-
garetha/ die ward Eduardo des namens dem ersten kün-
ig vermahelt/ dauon nit der zeyt Leonora/ kaiser Ma-
ximilians mütter vnd ander abkömen seind. Diser Phi-
lippus ist in Arragonia gestorben. Als man zalt von der
geburt Christi/ Tausent/ Zweyhundert/ Fünffundachzig
Jare.

Ludwicus



Vdwicus des vorge-
melten künig philip-
pen sun/ & zwölfft kün-
ig vonn frantzreich/ regiert ein jar. Vnd
kein weyb/ aber ein sun genant Ihan/ dauon
hernach volgt.



Ihann

Ihann des vorgemelten kün-
ig Ludwigen sun/ der drey-
zehend künig vonn frantz-
reich/ regiert zwey jar/ vnd wed weyb noch kind. Auch an-
ders nichts von in beiden/ darumb sich die abstergend lyni-
e endet/ wie hernach volgt.



Philippus & schön



Philippus seiner hübscheit hal-
ben genant der schön/ des vorge-
melten philippen vnd Isabellen
sun/ der. xiiij. künig von frantz-
reich/ hat regiert. xxviii. jar (vnd
als etlich schreyen. xxix. jar. Vñ
hat dartzwischen vil krieg gehebt
vnd den kaufleuten/ auch pruester vñ andern/ den hunders-
testen vnd funffzigsten theil aller irer possession vnd vers-
möge/ des ersten schatzung vffgelegt. Er ist gestorben vmb
sant Andree tag/ nach der geburt Christi/ Tausent/ dreiss-

hundert vnd vierzehen jar. Vnd eerlich begraben in sant
 Dionysien kirchen bey seinen eltern. Sein haupffraw ge-
 nant Johanna künigs tochter vō Navarra/ danon vier
 sun vñ ein tochter. Der erst sun Ludwig nach dem vater
 ter künig. Der ander Robert/ starb jung. Der dritt phi-
 lippus ward darnach künig. Der vierd Charolus der
 schön/ward auch nachmals künig. So hieß die tochter
 Isabella/ die ward ein künig vō Engelland vermahelt

Ludwicus Huttin



Ludwicus genat Huttin/ des
 vorgemelte künig Philippen des
 schönen sun/ der fünffzehen künig
 von Franckreich/ hat regiert
 neün Monat. Er was auch künig
 zu Navarra/ vnd in der statt
 Pampilon gekrönt. Als mā zalt
 von der geburt Christi/ Tausent/ Dreihundert vnd sy-
 ben jar. Vnd hat zwey weyb gehebt. Das erst genant
 Margaretha hertzog Roberts tochter vonn Burgundū
 danon kein kind/ hat sich auch von ir gescheiden. Sie an-
 der hieß Clementia/ künig Earlins tochter vō Hungern
 vnd Sicilia/ danon ein sun genant Johann/ starb jung.
 Vnd ein tochter genant Johanna/ die ward vermahelt
 künig Philippen vō Navarra. Vnd vmb das er nit mer
 dan ein tochter het/ so kam die kron an philippen künig
 Ludwigs brüder. Er ist vff den achtenden tag Junij ge-
 storben/ vnd wie sich gebürt bey seinen eltern begraben.

Philippus d Lang



Philippus genant d Lang des obbestymptē schönen künig Philippe sun. Vnd des nechstgemelten künig Ludwige brüder graff in Piccardy. Der sechzehend künig vonn Franckreych hat nach seins brüders ablebung regiert fünff jar. dauon kein kind deßhalb die kron von Franckreych an Charolum seinen brüder gewachsen ist. Er ist gestorben an dem ersten tag Januarij. Als man zalt vō der geburt Christi Tausent/ Dreihundert vñ Einundzwainzig jar. Vnd begraben bey seinen eltern.

Karolus der Schön.



Karolus seinem vatter nach genant der schön/ des obgemelten schönē künig Philippen dritter sun/ vñ der vor geschribnen Ludwici vñnd Philippi brüder/ Graff von der March der sybenzehend künig vō frackreych hat regiert syben jar. Vnd als er zū Vincencia mit frackheit beladen ist vñ gestorben/ ward er in das küniglich grab zū sant Dionysien gelegt/ vñnd wie sich gebürt eerlich bestattet. Als man zalt von der geburt Christi Tausent/ Dreihundert/ Sybenundzwainzig jar. Er hat gehebt dreii weyßer vñ kein kind. Sardurch der stam diser lynien nach abgestorben/ vnd das künigreych

an graff Philippen von Valors/der Charoli des grauen
von Valors/der Philippi vnd Isabelle suns sun/vnd al
so des gegenwürtigen Charoli vatters brüder sun gewe
sen ist/da von hernach volgt.

Philippus



Es wissenn das nach absterben
der vordrigen kynien mannlicher
personen (wie oblaute) das künig
reich hundersich gefallen ist an graff
Philipp von Valors oder Va
lesia Graff Carlus sun/derhalb
er diser kynien nach der erst künig
von frantreich. Doch eins geburts mit den vordrigen
künigē gewesen ist. Vnd hat regiert. xxij. jar. Dartzwi
schen auch vil krieg gefiert/vnd groß glück gehabt/hat ab
sein leben bis in sein alter vast gekessert. Darumb er
ein gütter Christen genennet ist worden. Dann als er
bapst Johannes/ des namens der. xxiij. vō der göttlichen
contemplation vund vision etwas freuenlichen prediget/
ist er in sampt andern gütten Christen ganz widerwertig
gewesen. Er hat dem almechtigen zu eren ein treffenlich
Junctfrawē closter sant Claren ordens bey sant Mayen
zen kirch gestift. Vnd nach vil geistlichen vnd weltlichen
handlungen seligtlichen von diser zeyt gescheiden/ vñ bey
seiner eltern begraben. Er hat zwey ewerker gehabt. Das
erst genant Blancha/ künigs tochter vō Flauern/vnd
kein kind. Das ander Johanna/ hertzogin von Burgun
di/da von drey sun vñ zwey töchtern. Der erst sun Jhann

nach seinem vatter künig in Franckreych/ danon hernach
volgt. Der ander Ludwig/ starb in der jugent. Der drit
Philips hertzog von Orleans. So hieß die ein tochter Jo
hanna/ die ward graff Wilhelmen vonn Holland ver
mahelet. Vnnd die ander Maria/ die starb jung.

Johann



Johann des obbestympten künig Philippen erster sun/ der an
der künig vō Franckreych zū Re
mis gesalbet/ vnd da von danc
nien gen Paris zogen/ auch da
selbs mit den höchsten freunden em
pfangen. Hat regiert dreyzehen jar. Vnd bey seinen zey
ten ist der treffenlich vflauff vnd endrung geschehen der
münz halß. Vnnd vff ein zeyt als er in Aquitaniam rey
ten wolt/ ward er daselbs gefangen/ vnd in Engelland
geführt. Vnd darnach im vierden jar mit furworten vnd
grossen gelt ledig worden/ vnd als er zū Landin gestor
ben ist er nachmals zū seiner eltern begrebnuß geführt wor
den. Sein weyb hat geheissen Bonome/ Königs tochter
vonn Behem/ danon vier sun vnnd drey tochter. Der
erst sun hieß Charolus/ der was Delphin/ vñ nach seins
vatters ablebung künig in Franckreych/ danō hernach
folgte. Der ander Ludwig/ hertzog vō Angawen. Der
dritt Ihan hertzog von Berry. Der vierd Philippus de
Hardy hertzog von Burgundi/ danō hertzog Karlin bey
ser Maximilians schwacher abkömen ist. So hieß die erst

tochter fülle künigin vonn Nauerne. Die ander Maria
 Herzogin vō d Baer. Vnd die dritt auch fülle. Nun we-
 re von geschlechtern so auß disen künden entsprossen noch
 gar vil zeschreyben. So aber die selbñ geschlecht also gar
 wert schweiffē/ vñ vnser art so ganz vnbekant seind/ mich
 auch vonn meinem fürnemen zū verr abfieren möchten/
 Darumb lasz ichs vmb kurtz willenn diß mals berühren.
 Wil mich damit wider vff die schlechten abstergenden ly-
 nien wenden zc.

Charolus



Wissen das nach absterben
 der vordrigen lynien männlicher
 personē Charolus des obbestim-
 pten Johansen erster sun/ d dritt
 künig vō Franckreich vnd erster
 Selpñ/ auch hertzog von Nor-
 mandy/ ist gar ein weyser fürst ge-
 wesen. Vnd als bald er zū Remis gesaltet vñd künig
 worden/ ist er von stunden an wider gen Paryß zogen/ vñd
 Philippen seinen brüder hertzogē zū Burgundi declariert.
 Doch zeuor vō im vffgenömen die graffschafft Turon.
 Vnd als er. xxx. jar regiert hat. Ist er zū Vien gestorben
 Vnd da von dannen in sant Dionysien hauß seiner el-
 tern Begrebnüß gefiert worden. Sein haußfraw genant
 Johana/ des hertzogen tochter von Burbun/ dauō zwen
 sün. Der erst Charolus/ künig nach dem vatter/ dauon
 hernach volgt/ Der ander Ludwig hertzog von Orlens
 dauō drey sün. Der ein Karle hertzog vō Orlens. Der

ander Philippus graff von Wertus. Der Dritt Johann
graff zu Gelsecia/vnd hie nit weyter.

Charolus



¶ Charolus des obbestympten
Charoli des weysen eltester sun/
der vierd künig vō frantkreich
zu Remis gesalbet vnd krönet
hat regiert. xxij. Jar. Er zoch in
flandern/vnd vertrib daruß die
Engelschen. Er ist in dē künig-
lichen hant sancti Pauli darinn er geboren ward/ nach-
mals als man von der geburt Christi zelet. 1422. gestorben
vnd begraben bey den seinen zu sant Dionysien. Seint
hausfrau hat geheissen Isabella/ des hertzogen tochter
von Beyer/dauon fünff sun vñ fünff töchtern. Der erst
sun hieß Charolus/was Delphin/vnd starb jung. Der
ander hieß auch Charolus/graff von Pantiers Delphin
starb auch jung. Der Dritt Johan/vnd starb Delphin.
Der vierd Ludwig/starb auch Delphin. Der fünfft sun
hieß auch Earle/der ward nach seinem vatter künig/ das
vō hernach volgt. So hieß die erst tochter Isabella/
herzogin von Orleans. Die ander Johanna/
herzogin vō Britania. Die Drit Michiel
herzogin vō Burgundi. Die vierd
Maria/wardt Geistlich. Die
fünfft Katharina/künigin
von Engellandt.

Charolus



¶ Charolus des vorbestympten Charoli jüngster sun/ was Delphin vnd der fünfft Künig von Franckreich/ gar ein sensfmütiger fürst gewesen/ vñ hat. xxxix. jar regiert. Vnd ist mer von vns mit dan von Franckheit gestorben. Doch nach Christienser ordnung vor seinem end wol versehen/ vnd bey seinen eltern vergraben zu Paryß. Sein hauffraw. B. dauon zwen sün vnd vier töchtern. Der erst sun Charolus hertzog von Berry. Der ander Ludwig/ dauon hernach volgt. So hat die erst tochter geheissen Katherina greuin von Sarloys. Die ander Johanna greuin vñ Burbin. Die dritt Isabella/ hertzogin von Saphoy. Die vierd Magdalena/ Prinzin von Nauernen/ vñd nit werter.

Ludruicus



¶ Ludruicus des vorbestympten Charoli sun/ der sechst Künig von Franckreich/ von Fouenello dem Erzbischoff benediciert. Darnach gen Paryß zogen/ ist nit keychlich züerzelen/ mit was pomp er vñ den Parysern empfangen ward. Dan die leüt vñ gantz Franckreich sich auff dasselbig fest versiegten. Er hat regiert. xxiiij. jar/ ist aber niender so sensfmütig gewesen als sein vatter. Er hat mit 8 zeit zwey cewerker gehebt. Das

erst ist gewesen. D. Königs tochter vō Schotten/ die starb
on kind. Die ander hat geheissen Ciarlocta/ hertzogs toch-
ter vonn Saphoy/ dauonn zwey sin. Der ein Joachim
Selphin/ starb in der jugēt. Der ander Charolus ward
nach seinem vatter künig/ dauon hernach volgt. Er hatt
auch zwey töchter. Die erst Anna Pirtho de Bello Jor-
eo dem hertzogen von Burbun/ Vnd die ander hertzog
Ludwigen von Orleans vermehelt. Gedachter Ludwig
cus/ als er nach vil sachen in frantzheit gefallen/ ist er zu
Thuron gestorben/ vnd in vnser lieben frawen hauß ad
Cleriacum begraben worden. Anno dñi. 1483.

Charolus



Charolus d sybend künig vō
frantzreich/ des vorbestympten
künig Ludwigs anderer sin. Ist
in dem dreytzechenden jar seins al-
ters an dz künigreich komen/ vñ
mit fraw Annen d hertzogin vō
Burbun seiner Schwester rat/ als
le ding gehandelt. Das aber hertzog Ludwigen von Or-
liens seinē schwager nit wenig verdrossen hat/ auch daruß
krieg mit im angehebt/ aber nichts daran gewonnen/ dan
Charolus begegnet im der massen/ das er hinder sich zoch/
sind aber darnach gürtlich vertragē wordē. Sein erst spös
ist gewese Margaretha/ künig Maximilians tochter/ die
im zu den zeyten sie noch beide vñ iren jarē warē verma-
helt ward. Es seind aber solch sponsalia in krafft nit kö-
men/ dan gemelter Charolus/ das frewlin von Britania

Hertzog Franzen tochter genant Anna die hienor Kerser
 Maximilianen vermehelt ward. Danonn d:ci kind alle
 vor im gestorben. Vnd ist er als er noch kaum. xxvij. jar
 alt was/ auch gestorben/ vñ mit vnsegllicher grosser pomp
 vff den letzten tag des monats Aprilis. Anno dñi. 1497.
 zu sant Dionysien begraben worden. Wan im nun gott
 sein leben kurtzt/ vñ kein leybs erben gelassen. So hat sich
 das Hugonisch geschlecht/ in d rechte abstergenden man-
 lichen lynien hieby geendet. Vund ist solch künigreich an
 den obbestympten hertzog Ludwigen. vō Diliens seinen
 schwager gewachsen/ davon hernach volgt.

Ludwicus



Ludwicus des vorbestymptē
 künig. Carlins schwager/ ist nach
 absterben d schlechten abstergen-
 den manlichen lynien nach in or-
 denung der vorbestymptē künig
 also bald Charolus begraben
 ward zu Remis der achter kün-

nig von Franckreich gesalbet worden/ vnd hat von stun-
 den an Johanna sein vordig ewerb verlassen. Vnd des
 vorgemelten Carlins seins schwagers verlassen witwen
 genömen. Der hat sich in vil weg geflühen Kerser Maxi-
 milianē vnbillicher werß zu beleidigen/ wie dan solichs in
 ein sundern büch eygentlichen vffgeschriben ist. Er ist zu
 Bles gestorben/ vnd da von dannen in seiner altfordern
 begrebnis gen Paryß gefiert worden. Vund hat nach im
 das künigreich empfangen Franciscus Delphin/ d noch

lebt. Wil damit das Hugonisch geschlecht in rechter ab-
 steygender lynien geendet haben. Aber als noch etlich trefe-
 senlich geschlecht/als Engellad/Portugal/Napols/Bur-
 gundi vnd ander/vß vorgemelttem küniglichem stämen
 abkommen seind/so hat mich zu lustigem beschluß diser
 Chronick mit vnfruchtbar beducht/ die selben auch anzüs-
 zeygen/wie hernach volgt.

Beschluß diser Chronica.



Sanctus Ludwicus obgemelt/hat gehebt ein
 sun mit namen Philippus/da von ein tochter
 genant Margaretha. Sie eelich verma-
 helt ist worden Eduardo/des namens dem
 ersten künig vß Engelland. Anno dñi. 1273
 vngenarlich. Der ward (als die Engelsch Chronick sa-
 get) Eduardus mit den langen schinken genant/ vnd
 hat regiert. xxxv. jar. Sie haben ein sun gehebt/ auch
 Eduardus genant/ da von hernach volgt.

Eduardus



Eduardus des namens der
 ander des obbestympten Eduar-
 di des ersten vñnd Margarethe
 geborne Künigin von Franck-
 reich einiger sun nach seinē vater/
 künig ist Engelland/ hat re-
 giert Zweintzig jar. Aber nit als
 wol als sein vatter. Wann was 8 vatter gewonnen/hat
 3 iij

er selberlich verthou. Sein haußfraw genant Isabella/
des schönen künig Philippen tochter von frantcreych/ 3
doch sippschafft halb on dispensation nit hat mögen sein.
San Margaretha im andern/ vnd Isabella im dritten
grad der sippschafft gegen sant Ludwigen gestanden seind
Aber wie dem/ sie haben ein sun gehebt auch Eduardus
genant der dritt/ dauon hernach volgt.

Eduardus



Edwardus des namens der
dritt/ des obbestympten Eduard
di des andern/ vnd Isabelle ge-
borne künigin von frantcreych
einiger sun/ künig vonn Engels-
landt/ hat regiert. li. jar. Er ver-
meynt auch vō seiner mütter we-

gen gerechtigkeit zū der kron frantcreych haben/ dieweyl
doch sunst kein mañs nam daselbs her vorhaden. Dar-
uß bißher vil krieg erwachsen seind. Siß gegenwürtigen
Eduardi haußfraw hat geheissenn Philippa graff Wil-
helms von Holland tochter/ dauon er syben sūn gehebt
hat. Der erst genant Eduardus Prinz vō Wales gat
ein frömer gütter fürst/ dauon künig Richart von Eng-
gelland. Der ander Wilhelm d erst/ herr von Hertsher
feld/ der ist on kinder gestorben. Der dritt Leonellus her-
zog von Clarens. Desselben erwerb genant Ultonia
greuin von Vultur/ danō vil selzamer gschlecht entsproß
sen seind/ die zemeldē zelang/ vñ vil zū vnkuntsam. Der
vierd Wilhelm. Der fünfft Thomas hertzog vō Clou-
cester/ dauon ein tochter genant Anna/ die ward Runde

frido dem hertzogen von Bockhingen vermahele/ grauen
von Stafforden. Der sechst Edmundus hertzog von
Yorkhe/ dauon zwen sün. Der ein Eduardus hertzog
von Yorkhe/ starb on kinder. Der ander Keychart graff
vō Cantebria/ dauō andere gschlecht. So hat d. viij. künig
Eduardus sun geheissen Johan̄ dauon hernach volgt.

Johann



Johann des vorgemelte künig Edu
ards sun/ geboren zū Gent in Flander/
ist gewesen hertzog vō Lancaster/ der
hat mit der zert d:rii ewerß gebebt.
Das erst genant Blāchea od Blan
ca/ hertzogin von Lanckaster/ dauon
ein sun vnnnd zwo töchtern. Der sun
genant Heinrichs graff von Derby/ nachmals künig
von Engelland/ dauonm andere geschlecht/ vnnnot hie zū
melden. So hat die erst tochter geheissen Isabella/ dauō
hernach volgt. Vnd die ander Philippa/ greuin vō Peins
broick vnnnd Rutrigun/ hertzogin von Excestria/ dauon
nit wyter. Oder (als Chronica Traiecten. anzergt) So ist
Philippa künig Johansen vō Portugal vermaelt wor
den. Vnnnd die ander (die doch in selbiger Chronick nit ge
nēt) ist greuin von Peinsbroick vñ Rutrigun/ hertzogin
von Excestria ꝛc. Vnnnd der selben Chronick nach/ so ist
Isabella hertzog philippen von Burgundi eefraw von
Philippa geboren/ setz ich zū redes gefallen/ daruf zenenen
das im geliebt. Aber d:z ander ewerß hat geheissen Con
stantia/ die was künig Peters tochter von Castilia/ danō
ein tochter genant Catharina. Von der selben tochter/
auch vom dritten werß hernach kompt.

Isabella



Sabella des vorgemelte
Herzog Johannsen vund
frau Blanca tochter/ ist
gar ein loblich frauw bild gewesen/ die
so ein natürlichen gürtten wandel ge
fiert hat/ das sie seer dardurch gelobt
ist worden. Die oder (wie oblit) Phi
lippa ir Schwester verfreiündt künig Hansen von Portus
gall/ die het ein sun genant Eduardus/ vñ ein tochter ge
nant Isabella/ vñ den Reiden hernach volgt. Aber die an
dern schreyben/ die gedacht Isabell oder Philippa hab ge
hebt zwo töchtern. Die ein genant Leonora künigin vñ
Napols / vnd die ander Isabella Herzogin von Burgun
di re. vnd schreyben vom sun nichts. So ist Catharina ir
stieffschwester eelich verfreiündt worden mit künig Hein
richen dem bastharten von Hispania. Wann nun das
künigreich Castilia durch ir eltern absterbē vff sie gewach
sen ist. Darumb sie von Hispania vñ Castilia künigin
ist/ dauō etliche kinder gebo:rn seind/ die ich aber bißher nit
hab mögen erfarn/ yedoch bin ich durch Robertum des
künig vñ Engellands Orator gnügsamlich berichte/ das
Johanna Philippi Keyser Maximilianen elersten sun ge
mabel/ von der selben in der schlechte abstergenden lynien
abkömen ist. So hat das dritt weyb auch Catharina ge
heissen/ die was ein greuin von Schweinsfort/ dauon mit
der zeyt künig Heinrich des namens der achtend yeziger
künig vñ Engelland abkömen ist. Desselben mittel per
sonen in seiner lynien ich auch noch nit erfarn hab. Aber
durch den gemelten oratozem berichte/ das dem also ist.

Eduardus



Eduardus des vorgemelten künig Hansen sun von Portugal gar ein loblicher fürst vnd guter Chriſten/hat zu eelicher freundschaftt gehebet das fürtreffentlich adentlich ſrawenbild Leonoram/künigs tochter vonn Napols/ danon ein tochter auch Leonora genant. So ward Iſabella ſein ſchwester Herzog Philippen von Burgundi vermehelt/ danon Herzog Karlin von Burgundi/ alles wie hernach volgt.

Leonora



Das Rümreich ſrawenbild Leonora die jung des vorgemelten künig Edwards vnnnd ſraw Leonore der alten künigin von Portugal vnnnd Napols tochter/ die hat iren junckfrewlichen vnd eelichen ſtat also gehalten/ vnnnd ſo ein tugentreich heylſam leben geſiehet/ das ſie in das loblich weſen der vſerwelten gezelet mag werden. Darumb ſie billich das Rümreich ſrawenbild geneht iſt. Darumb Keyſer Friderich des namens der Dritt/ genant der andechtig vnnnd ſridſam/ ſich mit eelicher freundschaftt zu ir verpſlicht hat. Danon der theur fürſt Keyſer Maximilianus vnd ander kind geboren ſeind.

Isabella



Als trostlich frauenbild
Isabella/ des obbestympt
ten künig Hannsen von
Portugal tochter/ vñ künig Eduard
di Schwester ward hertzog philippen
vonn Burgundi/ der gar ein grosser
mechtiger fürst was/ vermehelt. dan
er mit allein hertzog zu Burgundi. Ja auch hertzog zu Lo
tharick/ Brabant vnd Limborg gewesen ist. Vnd diesel
ben fürstenthumb regiert. xxxviij. jar. Er was key seinen
zeyten/ der aller großmechtigst Prinz in Germania vnd
Almania. Vnnd het mit der zeyt dreii werker. Das erst
was ein künigs tochter vñ Franckreich/ danon kein kind
Das ander ein greuin vñ Limers/ danon auch kein kind
Das dritt was diß gegenwürtig feiuelich frauenbild
Isabella/ danon dreii kind. Das erst Antonius starb
jung. Das ander Jost/ starb auch jung. Vnnd das dritt
Charolis/ danon hernach volgt. Vnd ist diser hochlobe
lich hertzog philips vff den heiligen tag/ sanctorum Viti
vnd Modesti seligklich von diser zeyt gescheiden zu Bruck
Als man zalt vñ der gebürt Christi/ Tausent/ Vierhuns
dert/ Sybenundsechzig jar. Vnd eerlich bestattet zu Si
sion in Burgundi.

Charolus



Charolus des vorgemelten hertz
zog philippen sun/ genant der
kriegsam/ was key seins vatters
leben kein landsherr/ sonder allein grane vñ
Sarloys. Aber nach seines vatters entley

lung/ist er hertzog von Burgundi/ von Lotharick/ von
Briabant/ von Lymboig/ vonu Lünzelborg. Graff vonn
Flander/ Artoys/ Burgundien. Palatin von Hennigaw
Holland/ Seeland/ Naamur. Herz vō frießland/ Sal
lins/ Mecheln. Vnd Marggraff des heiligen Rerchs ic.
worden. Vnnd hat vil grosser krieg gefiert/ darumb er nit
vnbillich der kriegsam genent ist. Vnd in sonder hat er wi
der den künig vō frantcreych/ Als man von der geburt
Christi zelet/ Tausent/ Vierhundert/ fünffundsechzig jar/
ein treffenlichen krieg gefiert/ da er auch seine feynd in die
flucht geschlagē/ vnd mit hohen eren gesiget hat. Vnlang
darnach hat er Ludich vnd ander grossmechtig stett zers
stört. Ist darnach zogen in Geldern landt/ das hat er ge
wunnen. Vnd darnach das hertzogthumb Lothringen/
hat also allwegen gesiget. Zu lest als er etlich zeit vor
Neiß gelegen ist/ vnd mit ein grossen volck wider die Lo
thringischen vnd Schwerzger kriegt/ ist er nach vil ritters
lichen vnd guten thaten/ die er mit eygen helds leyb wider
die obgedachten Schwerzger vnd Lothringischen begans
gen hat/ widergelegen/ vnd wo er nit also kegirig auff die
feynd gewesen/ were im noch lang nichts geschehen. Obge
melter hertzog Earlin/ hat mit der zeit auch dreii weyber
gehebt. Das erst künig Earlins tochter vō frantcreych/
dauon kein kind. Das ander. M. Vnd das dritt des her
zogen tochter von Burbun/ genant Anna/ dauō ein toch
ter genant Maria/ die E. Maximilianē vermehelt ward
dauon dreii kind/ als Franciscus/ Margaretha/ vñ Phi
lippus. Vnnd ward diser Philippus celich vermehelt der
obbestympten Johanne künigs tochter von Castilia vñ
Hispania. Diser Charolus ist vo: Mansee allein auß
überflüssiger freidigkeit vnd hitziger Regir an die feynd in
einer vnmenschlichen schlacht vmbkömen. Vnd daselbs

in sant Jörgen kirchen/ bey dem fronaltar/ vnder dem sacrament heußlin eerlich bestattet/ Als man zalt vonn der geburt Christi/ Tausent/ Vierhundert/ Syßemundsyßenzig jar/ vff den fünfften tag Januarij. Vnd ist sein Epitaphium od grablich überschrifft. Te pignus pacis rediitq; quietis in vita. Hic iaces Charole iamq; quiesce tibi. In teütsch soult gesagt/ als. Sich hat des fridens im lebē verdroffen/ Darumb die Charole hab rüh vn lig hie. soffen.

Philippus



Um nun hienor gemercket ist/ wie Herzog Karlin durch die mütterlichen lynien von sant Ludwigen abkömen ist. So hat mich nit vnfruchtbar bedacht/ desselben Herzog Karlin herkömen/ auch durch die vatterlichen lynien vonn sant Ludwigen anzezergen. Sieweyl dan bey den künigen von frantcreyck/ von sant Ludwigen vnd philippen seinem sun/ desgleichen von Charolo philippi sun/ vund philippi von Valesi Karlins sun/ vnd Johansen philippi von Valesi sun geschriben/ ist onnot hie weyter darvon zereden. Darumb nemen wir yetz und für vns philippum de Hardy hertzogen von Burgundi. Von dem ich also vünd/ das er des obbestympten künig Johansen vō frantcreyck vierder sun gewesen sey. Vnd hat zewerß gehebt Margaretham/ die graff Ludwigs von Flander einige tochter gewesen ist. Bey wölcher Margaretha/ offtgemelter hertzog philips/ drey sün vnd

Drey töchteren gehebt hat. Der erst sun Johaⁿ hertzog zu Burgundi/graff von Flander/Artoys vnd von Ritters dau^o hernach volgt. Der ander sun Anthonius hertzog von Brabant/von Lotharick vnd Lymborg. Vnd der dritt sun Philippus graff von Tyuers. So was die erst tochter hertzogin von Osterreich. Die ander hertzogin v^o Beyerⁿ. Vnd die dritt hertzogin von Saphoy/der tau^{ff} namen ich doch nit hab.



Johann



Johann hertzog von Burgundi/ des vorbestympten hertzog Philippen el^{te}ster sun. Hat zu gemahel gehebt Margaretha hertzog Albrechts tochter von Beyerⁿ vnd von Holland dauon ein sun v^und sechs töchteren. Der sun hieß Philippus/ dauon hernach volgt. So hieß die erst tochter Margaretha/ Selephine von frantreich/ vnd nachmals gre^uin v^o R^eychmont. Die ander Catharina/ starb jung. Die dritt Maria hertzogin von Cleue. Die vierd was gre^uin v^o Pontiers/ der tau^{ff}namen ich nit hab. Die fünfft Anna hertzogin von Betuoert. Vnd die sechst Agnes von Ghent hertzogin von Bursin.

Philippus




On diesem großmechtigen Fürsten vnd Herrn/ hertzog Philippen von Burgundi/ des vorgemelte hertzog Johannsen sun. Si^eweyl er ein künigin zu weyb gehebt hat. Desgleichen von Charo


lo seinem sun/ auch vō Maria Earlins tochter. Ist in der
 Fürstlichen Chronick souil zu erkantnuß der syß vñ mag
 schafft diene gnugsamlich geschriben. Darumb erzund
 nit weyter/ dan das ich vff das aller kürzest vñ verstent-
 lichest/ allein hab wöllen anzerge. Wie zu sampt den vn-
 zalbarn obberierten geschlechtern/ des andern vnd des drit-
 ten büchs Fürstlicher Chronick/ die gebürt der künig von
 Fräckreych/ Engelland/ Castilia/ Hispania/ Portugalia.
 Vnd der hertzogen vō Normandia/ Landcastria/ Wala-
 lia/ Clarētia/ Bocthingannia/ Gloucestria/ Excestria/ Au-
 stria/ Burgundia/ Borkunia/ Banaria/ Brabantia/ Cle-
 ue. Vnd der grauen von Anregania/ Hannonia/ Der-
 by/ Richmond/ Habsburg/ vnd ander hie so schnelligklich
 zusamen geflossen seind. Vnd wirt in sonderheit in Fürst-
 licher Chronick gemerckt/ wie Engelland/ Portugall/ Ca-
 stilia/ Hispania/ mit Habsburg durch den heyrat zu einē
 blut vnd fleisch worden seind. Darbey dann vnd andern
 vorerzelten geschlechtern/ die manigfaltig syß vñnd mag-
 schafft/ nach aller notturst gemerckt wirt. Vñnd wil das
 mit diß Chronick geendet haben/ in namen des/ der leben
 ist on end.

Gedruckt vñnd volendet/ in der Fürstlichen statt Frey-
 burg im Breysgaw/ Durch Johānem Wörlin. In
 verlegung des Hochgelehrten Doctor Jacob
 Wennels. Vff Valētini des heilige mar-
 terers. Als man zalt von der gebürt
 Christi/ Tusent/ fünffhundert
 Zweüzig vnd drei jar.









Österreichische Nationalbibliothek



+Z17218804













